



土岐文庫
文庫17
W125
3





文庫 17
W125
3



杜工部集卷之三

箋註

古詩七十八首

寓秦州及同谷縣行赴蜀中作

貽阮隱居

助

陳留風俗衰。人物世不數。塞上得阮生。迥繼先父祖。
貧知靜者性。自益毛髮古。車馬入隣家。蓬蒿翳環堵。
清詩近道要。識子一作字用心苦。尋我草廛微。褰裳踏寒雨。
更議居遠村。避喧甘猛虎。足明箕穎客。榮貴如糞土。

陳留

晉書阮籍字嗣宗陳留尉氏人也

遣興二首

士集卷三



昭和六十年二月一日贈
土岐善唐氏寄

016185192267

下馬古戰場。四顧但茫然。風悲浮雲去。黃葉墜一作墮我
前朽骨穴。螻蟻又為蔓草纏。故老行歎息。今人尚開
邊漢。互勝負一作封疆不常全。安得廉耻一作願將三軍
同晏眠。

高秋登塞一作塞山南望馬邑州。降東擊。壯健盡不

留穹廬莽牢落。上有行雲愁。老弱哭道路。願聞甲兵

休。鄴中事反覆一作蕭條死人積如丘。諸將已茅土。載驅

誰與謀。

馬邑

唐志馬邑州開元十七年置在秦成二州山谷間寶應元年徙于成州之鹽井故城隸秦州都督府中州集祝頌廉夫詩說云鮑欽止注此詩云馬邑州在成州界舊注馬邑在雁門與于美作詩處全無關涉

豐年孰一云亦云遲甘澤不在早耕田秋而足禾黍已

映道春苗九月交。顏色同日老。勸汝衡門士。勿悲尚
枯槁。時來展材力。先後無醜好。但訝鹿皮翁。忘機對
芳草一作荒

鹿皮翁

列仙傳曰鹿皮公者淄川人也少為府小吏木工舉手能成器械岑輪懸閣意思橫生數十日梯道成上其巔作祠屋畱止其旁食芝草飲神泉七十餘年淄水來三下呼宗族得六十餘人命上山半水出盡漂一郡沒者萬計小吏乃辭遣家室令下山着鹿皮衣升閣而去後百餘年下賣藥齊市也

昔遊

昔謁華蓋君。深求洞官脚一作崑崙脚玉棺已上天。白日

亦寂一作冥寞。暮昇良岑一作峰頂。巾几猶未却。弟子四五人。

人來淚俱落。余時游名山。發軔在遠壑。良覲違夙願。

含凄一作悽向寥廓。林昏罷幽磬。竟夜伏石閣。王喬下天

壇微月映皓鶴晨溪嚮虛駛歸徑行已昨豈辭青鞋
賦悵望一云悵金匕藥東蒙赴舊隱尚憶同志樂休一作事

董先生于今獨蕭索胡為客關塞道意久衰薄妻子
亦何人丹砂負前諾雖悲鬢髮變一云鬚髮變未憂筋力弱

扶一作杖藜望清秋有興入廬霍

華蓋君清虛真人王君內傳詣赤臺童子華蓋上公授以五雲夜光雲

琅水霜洞天福地記華蓋山周迴四十里名曰容城太玉之天

在温州永嘉縣仙人羊公修治之玉棺後漢王喬傳天下玉棺于堂前吏人推排終不

蓋便王喬琴賦王喬披雲而下墜寰宇記董先生憶昔行所謂

立覆廬霍謝靈運詩游當羅廬霍謝靈運詩游當羅

孤雲亦羣遊神物有一作識所歸麟一作靈鳳在赤霄何當一作嘗

幽人

一來儀往與惠荀一作詢輩中年滄洲期天高無消息棄

我忽若遺內懼非道流幽人見一作在瑕疵洪濤隱語笑

一作鼓柁蓬萊池崔嵬扶桑日照曜珊瑚枝風帆倚翠

益一作暮把東皇衣嘖嗽元和津所思烟霞一作霧微知名

未足稱局促商山芝五湖復浩蕩歲暮有餘悲

惠荀舊注惠昭荀珪固屬偽撰而以爲惠遠許詢亦謬立度正可與支

公並用村詩亦屢見之且自昔多稱遠公不言惠也按公逸詩中

有送惠二過東溪詩云空谷滯斯人又云黃綺未稱幽人局促商山芝

臣與此詩中年滄洲期句正合詢或其名未可知也幽人指李泌也泌

定太子之後懼輔國之謫請隱衡山故云在瑕疵五湖復

昔游幽人二詩草堂本叙荆幽人指李泌也泌

州潭州詩內今從舊叙于此

佳人

絕代有佳人幽居在空山一作山谷自云良家子零落依草

木關中昔喪敗一作亂兄弟遭殺戮官高何足論不得收
骨肉世情惡衰歇萬事隨轉燭夫婿輕薄兒新人已
一作美如玉合昏尚知時鴛鴦不獨宿但見新人笑那聞
舊人哭在山泉水清出山泉水濁侍婢賣珠迴牽蘿
補茅屋摘花不挿髮一作髻采柏動盈掬一作握天寒翠袖
薄日暮倚修竹

合昏

本草合歡至暮即合故云合昏惟豹古今注青裳合歡也稽康種之舍前

赤谷西崦人家

躋險不自喧一作宜出郊已清目溪迴日氣暖逕轉山
田熟鳥雀依茅茨藩籬帶松菊如行武陵暮欲問桃
花一作源宿

赤谷

地理志秦州有崦嵫山在赤谷之西曹操與劉備戰于此谷川水為之丹因號曰赤谷一統志赤谷在秦州西南七十里中有赤谷之西故曰西崦通志秦州西十二里

西枝村尋置草堂地夜宿贊公土室二首

出郭眄細岑披榛得微路溪行一流水曲折方屢渡
贊公湯休徒好靜心迹素昨枉霞上作盛論岩中趣
怡然共攜手恣意同遠步捫蘿澀先登陟巘眩反顧
要求陽岡煖苦陟一作步陰嶺洹惆悵老大藤沈吟屈蟠
樹卜居意未展杖策迴且暮層巔一作天餘落日草蔓已
多露

天寒鳥已歸月出人一作山更一作已靜土室延白光松門耿
疎影躋攀倦日短語樂寄夜永明燃林中薪暗汲石

底一作泉井。大師京國舊德業。天機秉從來。支許遊興趣。江湖迴數竒。謫關塞道廣存。箕穎何知戎馬間。復接塵事屏。幽尋豈一路。遠色有諸嶺。晨光稍矇矓。更越西南頂。

寄贊上人

一昨陪錫杖。卜隣南山幽。年侵腰脚衰。未便陰崖秋。重岡北面起。竟日陽光留。茅屋買一作置兼土。斯焉心所求。近聞西枝西。有谷杉黍一作漆稠。亭午頗和暖。石一作田又足收。當期寒一作寒雨乾。宿昔齒疾瘳。徘徊虎穴上面。勢龍泓頭柴荆具。茶茗逕一作遙路通林丘。與子成二老。來往亦風流。

虎穴龍泓

陝西通志虎穴在成縣城西龍泓一在飛龍峽一在天井山方輿勝覽飛龍峽在仇池山下黃氏楊飛龍據仇池故名其東杜甫避亂居此有詩云云又停騎龍潭雲回首虎崖石

太平寺泉眼

招提憑高岡。疎散連草莽。出泉枯柳根。汲引歲月古。石間一作門見海眼。天畔縈水府。廣深丈尺間。宴息敢輕侮。青白二小蛇。幽姿可時覩。如絲氣或上。爛熳為雲雨。山頭到山下。鑿井不盡土。取供十方僧。香美勝牛乳。北風起寒文。弱藻舒一作勝翠縷。明涵客衣淨。細蕩林影趣。何當宅下流。餘潤通藥圃。三春濕黃精。一食生毛羽。

牛乳

維摩經阿難白佛言憶念昔時世尊身有小疾當用牛乳黃精博物志天老謂黃帝曰太陽之草名黃精餌之可以長生

世傳華陀漆葉青黏散云青黏是黃精之正葉者

夢李白二首

宛別已吞聲。生別常惻惻。江南瘴癘地。逐一作遠客無消息。故人入我夢。明我長相憶。恐非平生魂。路遠一作迷不可測。魂來楓葉林。一作林青魂一作夢返關塞黑。君今在羅網。何一作以有羽翼落。月滿屋梁猶疑照。一作見顏色水深波浪闊。無使蛟龍得。

天寶十五載白臥廬山永王璘迫致之璘軍敗白坐繫尋陽獄得釋乾元元年終以汙穢事長流夜郎遂泚洞庭上峽江至巫山以赦得釋悲岳陽江楓林招魂湛湛江水兮上有照日極千里兮傷春心魂屋梁一作屋梁日未夏歸來哀江南阮籍詩湛湛長江水上有楓樹林王神女賦耀乎若白日出照屋梁李善注引東方之日薛君曰詩人所說者顏色美盛若東方之日社亦云落月滿屋梁猶疑照顏色浮雲終日行遊子久不至三夜頻夢君情親見君意

告歸常局促。苦道來不易。江湖多風波。一云秋多風舟楫恐失墜。出門搔白首。若一作若負平生志。冠蓋滿京華。斯人獨顛顛。孰云網恢恢。將老身一作才反累。千秋萬歲名。寂寞身後事。

有懷台州鄭十八司戶虔

天台隔三江。二云江風浪無晨暮。鄭公縱得歸。老病不識路。昔如水。一作江上鷗。今如一作樂罟。中鬼性命由他人。悲辛但狂顧。山鬼獨一脚。蝮蛇長如樹。呼號傍孤城。歲月誰與度。從來禦魑魅。多為一作被才名悞。夫子嵇阮流。更被一作遭時俗惡。海隅微小吏。眼暗髮垂素。黃帽映一作近鳩杖。青袍非供折腰具。平生一杯酒。見我故人遇。相望

無所成。乾坤莽迴互。

山鬼魯語木石之怪曰夔。蝮蝮。韋注木石謂山也。或云夔一足。蝮蝮。越人謂之山魃。或作操。富陽有之人首猴身。能言。或云獨足。蝮蝮

招魂。蝮蝮。秦泰山海經。蝮蝮。色如綬。文大者百餘斤。一名反鼻蛇。爾雅。蝮蝮。地博三寸。首大如擘。

遣興五首

蟄龍三冬臥。老鶴萬里心。昔時賢俊人。未遇猶視今。

嵇康不得死一云且孔明有知音。又如壠底草堂作松用

捨在所尋。大哉霜雪幹。歲久為枯林。

嵇康鍾會言于文帝曰。嵇康臥龍也。不可起。公無憂天下。願以康為慮耳。因譖康。帝信之。同為臥龍。康不得其死。而孔明有知音。用捨之故耳。

昔者一作龐德公。未曾入州府。襄陽耆舊聞。處士節獨

猶一作苦。豈無濟時策。終竟畏羅罟一作終歲林茂鳥有歸

水深魚知聚。舉家依一作鹿門。劉表焉得取。

龐德公水經注。沔水中有魚梁洲。龐德公所居。士元居漢之陰。在南白。沙司馬德操宅。洲之陽。望衡對宇。歡情自接。泛舟褰裳。率爾休

暘水南有層臺。號曰景升。臺表盛遊于此。常所止憩。

我今日夜憂。諸弟各異方。不知死與生。何況道路長。

避寇一分散。饑寒永相望。豈無柴門歸一作欲出畏虎

狼。仰看雲中雁。禽鳥亦有行。

蓬生非無根。漂蕩隨高風。天寒落萬里。不復歸本叢。

客子念故宅。三年門巷空。悵望但烽火。戎車滿關東。

生涯能幾何。常在羈旅中。

昔在洛陽時。親友相追攀。送客東郊道。遨遊宿南山。

烟塵阻長河。樹羽成臯間。迴首載酒地。豈無一日還。

丈夫貴壯健。慘戚非朱顏。

遣興五首

朔風飄雁。慘澹帶砂礫。長林何蕭蕭。秋草萋更碧。北里富薰天。高樓夜吹笛。焉知南鄰客。九月猶締絡。長陵銳頭兒。出獵待明發。一作解弓金爪鏃白馬蹴。微雪未知所馳逐。但見暮光滅。歸來懸兩狼。門戶有旌節。

銳頭

春秋後語平原君曰澠池之會臣觀武安君之為人小頭而銳瞳子黑白分明瞻視不轉難與爭鋒廉頗足以當之旌節車服志大將出賜旌以顯賞節以顯殺旌以絳帛五丈粉畫虎有銅龍一首纏緋幡紫縑為袋油囊為表節垂畫木盤三相去數寸隅垂尺餘與旌同舊書每扈從驪山五家合隊國忠以劔南幢節引于前

漆有用而割膏以明白煎蘭摧白露下桂折秋風前府中羅舊尹沙道尚依然赫赫蕭京兆今為時所憐

沙道

唐國史補凡宰相禮絕班行府縣載少填路自私第至于城東街號曰沙路張籍沙堤行云白麻詔下移相印新堤未成舊堤盡

蕭京兆

李德裕明皇十七事源乾曜奏事稱旨上驟用之謂高力士曰知吾拔用乾曜之速乎吾以其容貌言語類蕭至忠也力士曰至忠不嘗負陛下乎帝曰至忠晚乃謬計耳其初立朝得不謂賢相乎東坡曰明皇雖誅蕭至忠然甚懷之侯君集云蹉跌至此至忠亦蹉跌者耶故子美亦哀之按蕭至忠未嘗官京兆尹若以蕭望之論至忠則望之為左馮翊未嘗為京兆尹也天寶八載京兆尹蕭吳坐賊左遷汝陰太守史稱京兆尹蕭吳御史中丞宋吳皆林甫所親善國忠皆誣奏遣逐林甫不能救則所謂蕭京兆者蓋蕭吳也姚汝能安祿山事迹云蕭吳為河南尹以賊下獄吉溫課竟其罪吳為林甫佐之山是特恩轉太府卿溫後為萬年縣丞未幾吳拜京兆尹高力士權移將相吳親附之溫尤與之善遂相結為膠漆其事亦詳舊書吉溫傳中吳先代裴耀卿為江淮轉運使林甫引為戶部侍郎出為收州刺史轉河西節度使經略吐蕃開元二十七年吐蕃寇白單安人等軍吳擊敗之則所謂赫赫蕭京兆者亦可想見矣京兆尹多宰相私人相與附麗若吳與鮮于仲通輩皆是故曰府中羅舊尹沙道尚依然也故為人所羨今為人所憐用漢成帝時童謡哀之亦刺之也東坡解此詩未當或亦偽託耳

猛虎憑其威往往遭急縛雷吼徒咆哮枝撐已在脚忽看皮寢處無復睛閃爍人有甚于斯足以勸一作元

惡。

猛虎 此蓋指吉温之流温常云若遇知已南山白額虎不足縛也故公借以為喻

朝逢一作富家葵前後皆一作輝光共指親戚大總麻百

夫行送者各有死不須羨其強君看束練一作去亦得

歸山岡

束縛 吳志孫亮殺諸葛恪以葦蓆裹其身而笮束其腰投之于石子岡

遣興五首

天用莫如龍有時繫扶桑頓轡海徒涌神人身更長

性命苟不存英雄徒自強吞聲勿復道真宰意茫茫

扶桑頓轡 劉向九歎維六龍于扶桑補注春秋命曆序曰皇伯登扶桑日之陽駕六龍以上下陶淵明讀山海經詩靈人侍丹

池朝朝為日浴山海經鍾山之神名曰燭龍其長千里何承天云日為陽精光曜炎熾一夜入海所經焦竭百川歸注足以相補

地用莫如馬無良復誰記此日千里鳴追風可君意
君看渥洼種態與駑駘異不雜一作蹄齧間逍遙有能

事

陶潛避俗翁未必能達道觀其著詩集頗亦恨枯槁達

生豈是足默識蓋不早有子賢與愚何其掛懷抱

賀公雅吳語在位常清狂上疏乞骸骨黃冠歸故鄉

爽氣不可致斯人今則亡山陰一茅宇一作淮海日凄

清狂 知章為禮部侍郎取舍非允門蔭子弟喧訴盈庭于是以梯登墻首出夾事時人咸嗤之晚年尤加縱誕因病恍惚乃上疏請度為

道士求還鄉里仍舍本鄉宅為觀上許之

吾憐孟浩然袒褐即長夜賦詩何必多往往凌鮑謝

清江空舊魚

一作舊魚美
一作舊美魚

春雨餘甘蔗每望東南雲令人

幾悲吒

前出塞九首

前出塞為徵秦隴之兵赴交河而作後出塞為徵東都之兵赴薊門而作也前則主上好武窮兵開邊故以從軍苦樂之辭言之後則祿山逆節既萌幽燕騷動而人主不悟卒有陷沒之禍假征戍者之辭以譏切之也

戚戚去故里悠悠赴交河公家有程期亡命嬰禍羅

君已富土境開邊一何多棄絕父母恩吞聲行負戈

交河

元和郡國志交河縣本漢車師前王庭地貞觀十四年于此置縣交河出縣北天山水分流于城下因以為名天山在縣東北

出門日已遠不受徒旅欺骨肉恩豈斷男兒死無時

走馬脫轡頭手中挑青絲捷下萬仞一作丈岡俯身試塞

旗

磨刀嗚咽

一作呼

水水赤刃傷手欲輕腸斷聲心緒亂已

久丈夫誓許國憤惋復何存功名圖騏驎戰骨當速

朽

嗚咽水

說文隴山天水大坂也辛氏三秦記引俗歌云隴頭流水嗚聲幽咽遙望秦川肝腸斷絕

送徒既有長遠戍亦有身生死向前去不勞吏怒嘆

路逢相識人附書與六親哀哉兩决絕不復同一作問苦

辛

迢迢萬餘里領我赴三軍軍中異苦樂主將寧盡聞隔

河見□騎倏忽數百羣我始為奴僕幾時樹功勳

挽弓當挽強用箭當用長射人先射馬擒賊先擒王

殺人亦有限一作立國自有疆苟能制侵陵豈在多殺

傷

驅馬天雨雪軍行入高山逕危抱寒石指落曾水間已

去漢月遠何時築城還浮雲暮南征可望不可攀

單于寇我壘百里風塵昏雄劔四五動彼軍為我奔

擄其名王歸繫頸授轅門潛身備行列一勝何足論

單于

開元二十二年契丹及奚連年為邊患張守珪使人誘殺其王屈刺及其大臣可突干傳首東都梟于天津橋之南天寶初王忠嗣北伐奚突厥突厥十姓叛悉密葉等攻殺烏蘇米施可汗傳首京師

從軍十年餘能無分寸功眾人貴苟得欲語羞雷同

中原有鬪爭況在□與□丈夫四方志安可辭固一作

窮

後出塞五首

男兒生世間及壯當封侯戰伐有功業焉能守舊丘
召募赴薊門軍動不可留千金買馬鞭一作百金裝刀
頭間里送我行親戚擁道周斑白居易上列酒酣進庶
羞少年別有贈含笑看吳鉤

薊門

安祿山欲以邊功市能數侵掠奚契丹開元四年各殺公主以叛祿山討破之天寶九載祿山誘熟蕃奚契丹真醜殺之函共首以獻十載祿山討契丹大敗而歸十一載大舉以報去秋之役阿布思叛去遂頓兵不進十四載祿山奏破奚契丹是年十一月遂叛

朝進東門營一作

管

暮上河陽橋落日照大旗馬鳴風蕭

蕭平沙列萬幕部伍各見招中天懸明月令嚴夜寂

寥悲笳數聲動壯士慘不驕借問大將誰恐是霍嫖

姚

東門

太平寰宇記上東門洛陽東而門也後又改為東陽門水經注穀水又東屈而逕建春門石橋下即上東門也阮嗣宗詩云步出上

河陽橋 通典河陽縣古孟津後亦曰富平津跨河有浮橋即杜預所建元和郡國志河陽浮橋駕黃河為之以船為脚竹篳巨之晉陽秋云杜元凱造河橋于富平津即此是也安祿山事跡祿山兵發范陽先令將軍何千年領壯士數千人先候于河陽橋封常清郭子儀保東京皆斷河陽橋

大將 天寶二年祿山人朝進驃騎大將軍

古人重守邊今人一作重高勳豈知英雄主出師巨英華作血

長雲六合已一家四口且孤軍遂使貔一作虎一作士奮

身勇所聞拔劍擊大荒日收口馬羣誓開玄冥北持

以奉吾君

高勳 通鑑舊制百姓有勳者免征役時調兵既多國忠奏先取高勳

馬羣 安祿山事蹟祿山包藏禍心將生逆節養同羅及降奚契丹曳落河八千餘為已子又畜單于護真子馬習戰鬪者數萬匹已八九年矣通鑑阿布思為回紇所破祿山誘其部落而降之山是祿山精兵天下莫及

獻凱日繼踵兩蕃靜無虞漁陽豪俠地擊鼓吹笙竽

雲帆轉遼海粳稻來東吳越羅與楚練照耀輿臺軀

主將位益崇氣驕凌上都邊人不敢議議者死路衢

獻凱 安祿山事蹟祿山誘降阿布思部落其男女一萬口送于京師立宗御勤政樓受之又遣其子慶緒獻奚契丹及同羅阿布思等生口三千人金銀錦罽馬奚車布

兩蕃 安祿山事蹟奚契丹各殺公主于闕下玄宗大悅張樂以會將士

遼海 唐會要開元二十七年李適為幽州節度河北海運使西溪叢其侵掠通鑑上謂國忠曰祿山狀推心待之東西二口藉其鎮遏

士將 安祿山事蹟祿山潛錄國朝海運糧儲以為古來未嘗有此按杜詩云則唐時已有海運矣朱張特舉行耳

尚至則口服坐重床燒香列珍寶令百口侍左右羣口羅拜于下邀福于天盛陳牲牢羣巫擊鼓歌舞至暮而散自歸范陽逆狀漸露使者至稱疾不見嚴介士于前後戒備而後見之無復人臣之禮中使馮神威齎書召祿山祿山踞床不起但云聖人安穩或言祿山反者玄宗縛送祿山道

路相目無敢言者奏還者告祿山反乃囚于商州將送之遇祿山起兵乃放之

我本良家子。出師亦多門。將驕益愁思。身貴不足論。
躍馬二十年。恐辜明主恩。坐見幽州騎。長驅河洛昏。
中夜間道歸。故里但空村。惡名幸脫免。窮老無兒孫。

幽州騎

安祿山事蹟十一月九日祿山起兵反以同羅奚契丹室韋曳落河兼范陽平盧河東幽薊之衆號父子軍馬步相兼十萬鼓

行而西

別贊上人

百川日東流。客去亦不息。我生苦一作若漂蕩。何時有終極。
贊公釋門老。放逐來上國。還為世塵嬰。頗帶顛顛頰。
色楊枝。晨在手。豆子雨一作雨已熟。是身如浮雲。安可限南北。
異縣逢舊友。交一作交初忻。寫胸臆。天長關塞寒一作遠。歲暮饑凍一作寒。
逼野風吹征衣。欲別向曛黑一作暝。馬嘶一作鳴思

故櫪歸鳥盡。歛翼古來聚散地。宿昔長荆棘。相看俱衰年。出處各努力。

楊枝

梵網經頭陀冬夏坐禪結夏安居常用楊枝涅槃經各于晨時日初出時離常住處方用楊柳或以楊柳為齒木乃鑿說也

豆

子

趙曰言贊公當春為寺主來秦州已見豆熟也宿贊公房云杖錫何來此秋風已颯然正一義

浮雲

維摩經是身如浮雲須臾變滅

萬丈潭

同谷縣作

青溪合

趙鴻刻作合

冥冥神物有顯晦。龍依積水蟠窟壓。萬丈內。跼步凌垠堦。側身下烟靄。前臨洪濤寬。却立蒼石大山危。一徑盡崖一作岸。絕兩壁對削成。根虛無。倒影垂澹瀨。

垂澹瀨

趙作澗一作賴

黑如

陳作爲黃作知

灣潭底清見光炯。碎孤雲

方輿作峯

倒來深飛鳥不在外。高蘿成帷

一作帳

幄寒木累

一作壘

旌旆

遠川曲通流。嵌竇潛洩瀨。造幽無人境。發興自我輩。

告歸遺恨多將老斯遊最閉藏修鱗蟄山入巨石趙作
礙何事趙作暑一作炎天過快意風雨一作雲會

萬丈潭

唐咸通十四載西康州刺史趙鴻刻萬丈潭詩又題杜甫同谷

雅何人繼全生此地孤孤雲飛鳥什空勒舊山隅鴻曰萬丈潭在公宅西
洪濤蒼石山徑岸壁如目見之方輿勝覽萬丈潭在同谷縣東南七里通
志在成縣東南七里垠堦西京賦前後無垠垠淮南子出于澹澗
俗傳有龍自潭飛出廣韻澗清也濡也夢弼曰澹澗猶澹澗王篇澗
澹沲也集韻作澹水帶沙往來貌

兩當縣吳十侍御江上宅

寒城朝烟澹山谷落葉赤陰風千里來吹汝江上宅
鷓鴣號枉渚日色傍阡陌借問持斧翁幾年長沙客
哀哀失木狖矯矯避弓翮亦知故鄉樂未敢思宿昔
昔在鳳翔都共通金閨一作門籍天子猶蒙塵東郊暗長

戟兵家忌間謀此輩常接跡臺中領舉劾君必慎剖
析不忍殺無辜所以分白黑上官權許與失意見遷
斥仲尼甘旅人向子識損益朝廷非不知閉口休歎
息樊本仲尼一聯
在朝廷一聯下余時忝諍臣丹陛實咫尺相看受狼狽
至死難塞責行邁心多違出門無與適於公負明義
惆悵頭更白

兩當

寰宇記鳳州兩當縣因界內兩當水為名水經注云兩當水出陳

倉縣之大散嶺西南流入故道川謂之故道水河池縣有兩當水
西北自成州界入東南流入故道水縣取吳侍御方輿勝覽吳郁兩
水為名或云縣西界有兩山相當為名當人為侍御史以
言事被謫居家不仕與杜子美交游唐
韋續墨藪吳郁字體綿密不調當時
鷓鴣九辨鷓鴣啁
嘶而悲鳴枉渚陸雲
蒼張
士然詩通波激枉渚善注引朝發枉渚陳浩然
日此詩枉渚以斜曲為義非武陵湘潭之枉渚

發秦州

乾元二年自秦州赴
同谷縣紀行十二首

我衰更嬾拙生事不自謀無食問樂土無衣思南州
漢源十月交天氣涼如秋草木未黃落况聞山水一作東
幽栗亭名更佳下有良田疇充腸多薯蕷崖窰亦易
求密竹復冬筍清池可方舟雖傷一作云旅寓遠庶遂平
生遊此邦俯要衝實恐人事稠應接非本性登臨未
銷憂谿谷無異石塞田始微收豈復慰老夫一作惘惘
然難久留日色隱孤戍烏啼滿城頭中宵驅車去飲
馬寒塘流磊落星月高蒼茫雲霧浮大哉乾坤內吾
道長悠悠

同谷

寰宇記本漢下辨道經魏定仇池置廣業郡領白石栗亭二縣後
元元年改白石為同谷縣趙叟曰日在房公起秦亭十一月至西
康冬春之交發同谷登劔門一州元郡國志成州東北至秦州一百
公在同谷茅茨蓋不盈月

秦州記曰度沔隴無蠶桑八月乃麥五月乃解凍趙叟
曰天水地寒田瘠于同谷而同谷絲麻多于秦塞故也漢源
志曰漢水有二源東源出武都氏道縣漆山為漾水禹貢導漾東流為漢
是也西源出隴西嶓冢山會白水經葭萌人漢始源曰西後漢志隴西郡氏
道養水出此注巴漢志漢栗亭寰宇記同谷縣有栗亭鎮興州左溪水
水二源東源此縣之養山刺史趙鴻刻石同谷曰工部題栗亭十韻不復見鴻詩
曰杜甫栗亭詩詩人多在口悠悠二甲子題記今何有薯蕷本草薯蕷
補虛勞充
五臟久服輕身不饑
注云蜀道者尤良崖窰本草石窰陶隱
居云即崖窰也

赤谷

天寒霜雪繁遊子有所之豈但歲月暮重來未有期
一云亦
未期晨發赤谷亭險艱一作難方自茲亂石無改轍我車
已載脂山深苦多風落日童稚饑悄然村墟迴烟火
何由追貧病轉零落二云
鑿故鄉不可思常恐死道路永
為高人嗤

鐵堂峽

山風吹遊子。縹緲乘險絕。硤形藏堂隍。壁色立積精。鐵徑摩穹蒼。蟠石與厚地。裂修織無垠。一作竹嵌空。一作太始雪威遲。哀壑底徒旅。慘不悅。一作徒懷。水寒長冰橫。我馬骨正拆。生涯抵弧矢。盜賊殊未滅。飄蓬踰三年。迴首肝肺熱。

鐵堂峽

方輿勝覽鐵堂山在天水縣東五里硤有石笋青翠長者至丈餘小者可以為礪蜀姜維世居此通志硤有鐵堂莊四山環抱對面有孤冢相傳是維祖塋堂隍漢書胡建傳列坐堂皇上師古曰堂無四壁曰皇舊注謂山臺如堂皇硤藏于兩山之間也竹秦州記隴西上邽縣比有利山川中平地有土堆高五丈生細竹翠茂殊常知隴西地多細竹也

鹽井

鹵中草木白青者官鹽烟官作既有程煮鹽烟在川

汲井歲楫楫草堂本云當作楫出車日連連。自公斗三百轉致斛

六千。君子慎止足。小人苦喧闐。我何良歎嗟。物理固

自然。一云亦固然

鹽井

水經注鹽官水南入漢水水有鹽官在蟠冢西五十許里相承營鹽井在成州長道縣東三十里水與岸齊鹽極甘美食之破氣鹽官故城在縣東三十里在蟠冢西四十里相承營煮味與海鹽同鹵中說文鹵鹽池也東方謂之斥西方謂之鹵宣三百食貨志天寶至德間帝紀常困于蓮勺鹵中如淳曰蓮勺有鹽池三百鹽每斗十錢乾元元年第五琦為使初變法劉晏代之法益密貞元四年江淮斗增二百為錢三百一十後復增六十河中兩池鹽斗三百七十豪賈射利官收不能半以此例之蜀井鹽價從可推矣

寒硤

行邁日悄悄。山谷勢多端。雲門轉絕岸。積阻霾天寒。寒硤不可度。我實一作貧衣裳單。況當仲冬交。泝泐增波

難。瀾野人尋烟語。行子傍水餐。此生免荷笈。未敢辭路

鶴曰秦至成之界垂二百里又七十里至成今寒硤尚為秦地而已交十一月則去秦在十月之末無疑也

法鏡寺

身危適他州。勉強終勞苦。神傷山行深。愁破崖寺古。
嬋娟碧鮮淨。蕭滅寒籜聚。回回一作洞山一作石根。水冉冉松
上雨。洩雲蒙。清晨初日翳。復吐朱薨半。光炯戶牖粲。
可數柱一作柱策忘前期。出蘿已亭午。冥冥子規叫。微徑
不復一作敢取。

嬋娟

楚辭便娟之修竹兮寄生于江潭吳都賦檀樂嬋娟玉潤碧鮮枚乘兔園賦修竹檀樂夾池水

青陽峽

塞外苦厭山。南行道二云登路彌惡。岡巒相經亘。雲水氣參
錯。林迴硤角來。天窄一作穿壁面削。礮西五里石。奮怒向
我落。仰看日車側。俯恐坤軸弱。魍魅嘯有一作有狂風。霜霰
浩漠漠。昨憶一作憶昨踰隴坂。高秋視吳岳。東笑蓮華卑。北
知崆峒薄。超然俾壯觀。已謂殷一作隱寥廓。突兀猶趁人。
及茲歎一作谷冥寞。

魍魅

蕪城賦水虺山鬼野鼠城狐風嗥雨嘯昏見晨趨

隴坂

後漢志有大坂名隴坻三秦記其坂九迴不知高幾許欲上者

吳岳

周禮雍州其山鎮曰嶽山孫炎曰雍州鎮有吳岳山也漢志乃越吳岳在沂縣西古文以為沂山國語謂之西吳秦都咸陽以

為西岳元和郡國志吳山在縣西南五十里今為國之西鎮山

龍門鎮

細泉兼輕水。沮洳棧道濕。不辭辛苦行。迫一作迫此短景

急石門雪雲一作隘一作古鎮峰巒集旌竿暮慘澹風水
白刃澀一作馬屯成臯防虞此何及嗟爾遠戍人山寒
夜中泣

龍門

水經注洛谷水又南逕仇池郡西瞿堆東西南入漢水漢水又東北龍門合洛漢水北發洛谷南逕威武戍又西南與龍門水合水出西

北龍門谷東流與橫水會東北窮溪即水源也又南逕龍門戍東又東南入洛漢水又東南逕上祿縣故城西寰宇記龍門山在梁州三泉故縣西七十

棧道

元和郡國志褒斜道一名石牛道張良令燒絕棧道即此道也水經注俗謂千梁無柱也諸葛亮與兄瑾書曰前趙子龍

退軍燒壞赤崖以北閣道緣石門水經注褒水西北出嶺山東南逕石門門穿山通道六丈有餘蜀都賦曰岨以石門斯之謂也門在漢中之西褒中之北

石龕

舊注言安史之兵屯于成臯而置戍于此道里遼遠不相及也

熊羆咆我東虎豹號我西我後鬼長嘯我前狻又啼

天寒昏無日山遠道路迷驅車石龕下仲冬見虹蜺

伐竹一作者誰子悲謔上一作雲梯為官採美箭五歲供

梁齊一作苦云直斨一作盡無以充一作提携奈何漁陽騎颯

颯驚蒸黎

石龕

方輿勝覽石龕本草狻似猴而大毛長黃赤色生

南河北用兵而箭斨取給于隴右也

積草嶺

連峰積長陰白日遍隱見颯颯林響交慘慘石狀變

山分一作積草嶺路異明水縣旅泊吾道窮一作衰年歲

時倦卜居尚百里休駕投諸彥邑有佳主人情如已

會面來書語絕妙遠客驚深眷食蕨不願餘茅茨眼

中見

積草嶺

通志嶺在舊天
水同谷之間

明水

元和郡國志鳴水縣屬興州東至州一
百一十里本漢沮縣地也後魏置鳴水

泥功山

朝行青泥上暮在青泥中泥濘

一作非

一時版築勞人

功不畏道途

一作永

乃將

一云及將
一云及此

汨沒同白馬為鐵驪小

兒成老翁哀猿

一作孫

透却墜死鹿力所窮寄語北來人

後來莫怱怱

泥功山

寰宇記雷牛山泥公山五仙山三山皆歷栗亭縣界方輿勝覽
在同谷郡西二十里梁書西魏氏南梁州刺史
仇池公楊靈珍據泥功山歸款元和郡國志貞
元五年于同谷縣西界泥公山上權置行成州
西北五十三里接溪山東即今通路也懸崖萬
仞上多雲雨行者屢逢泥淖故號為青泥嶺
鐵驪詩駟鐵孔阜爾
雅馬純黑口驪

鳳凰臺

山峻不
至高頂

亭亭鳳凰臺北對西康州西伯今寂寞鳳聲亦悠悠

山峻路絕蹤石林氣高浮安得萬丈梯為君上上頭

恐有無母雛饑寒日啾啾二云啾啾我能剖心出方輿勝覽
作心血飲啄

慰孤愁心以當竹實炯然無方輿
作忘外求血以當醴泉豈

徒比清流所重王者瑞敢辭微命休坐看綵翮長一作舉

舉一作縱意八極周自天銜瑞圖一作圖飛下十二樓圖以奉

至尊鳳以垂鴻猷再光中興業一洗蒼生憂深衷

正方輿
作止為此羣盜何淹留

鳳凰臺

寰宇記鳳凰山在同谷縣水經注云濁水南經繫頭郡東而南
合鳳溪水水上承濁水于廣業郡南逕鳳凰溪中有二石雙高
其形若闕漢世有鳳凰栖其上故謂之鳳凰臺北去郡一里水出臺下方
輿勝覽在同谷東南十里中有二石如闕山腰有瀑布名進機泉天寶間

哥舒翰有題刻
宛然半巖間
西康州
元和郡國志同谷縣本漢下辨道屬武都郡
故氏白馬王國魏宣帝置廣業郡并白馬石
縣恭帝改白石為同谷縣開皇三年罷郡以縣屬康州大業屬鳳州貞觀
八年屬成州寰宇記武德元年復置成州貞觀元年以廢康州之同谷縣
屬來

乾元中寓居同谷縣作歌七首

有客有客字子美。白頭亂髮垂過耳。歲拾橡栗

隨狙公。天寒日暮山谷裏。中原無書歸不得。手脚

凍皴皮肉死。嗚呼一歌兮歌已哀。悲風為我從天

東來。

舊書關輔亂離穀食踊貴甫寓居成州橡栗列子柱厲叔居海上夏日則食菱芡冬日則食橡栗後漢李恂歲荒徙居新安關下拾橡栗以自資注橡標實也華虞傳從惠帝幸長安東軍來迎百官奔散遂流離鄠杜之間轉入南山中糧絕饑甚拾橡實食之
狙公莊子狙公賦亭注芋音序橡子也

長鏡長鏡白木柄。我生託子以為命。黃精無苗山

雪盛。短衣數挽不掩脛。此時與子空歸來。男呻女

吟四壁靜。嗚呼二歌兮歌始放。鄰里為我色惆悵。

長鏡說文銳也玉篇鑿也黃獨山谷曰陳藏器云黃獨遇霜雪枯無苗蓋蹲鴟之類也作黃獨為是王彥輔塵史藥錄云黃精

止饑杜以窮冬采此奚必遷就黃獨耶又以山雪為春雪不知杜在同谷未嘗涉春也夢弼曰公詩每用黃精不必作黃獨東坡詩亦讀此句為黃也精

有弟有弟在遠方。三人各瘦何人強。生別展轉

不相見。塵暗天道路長。東飛鴛鴦後鵝鶻。安得送

我置汝旁。嗚呼三歌兮歌三發。汝歸何處收兄骨。

有弟趙復曰公四弟曰穎曰觀曰豐曰占各散在他郡惟占從公入蜀各瘦後漢趙孝弟禮為饑賊所得孝自縛詣賊曰禮

羣晨雜鵝鵝只
注鵝鵝鵝鵝也

有妹有妹在鍾離。良人早歿諸孤癡。長淮浪高蛟龍怒。十年不見來何時。一作遲扁舟欲往箭滿眼。杳杳南國多旌旗。嗚呼四歌兮歌四奏。林猿一作竹林浩然為我啼。

清晝

鍾離

地理志濠州治鍾離縣春秋為鍾離子國

竹林

吳若本注蜀中鳥名西清詩話崇寧間有貢士自同谷來籠一鳥大如雀

色正青善鳴曰此竹林鳥也杜曰此說未足為信猿多夜啼今啼清晝自能啼耶海錄竹林靜啼青竹筍竹林鳥名也

四山多風溪水急。寒雨颯颯枯樹濕。黃蒿古城雲

不開白。狐跳梁黃狐立。我生何為在窮谷。中夜起

坐萬感集。嗚呼五歌兮歌正長。魂招不來歸故鄉。

南有龍兮在山湫。古木龍樅枝相膠。木葉黃落龍正蟄。蝮虵東來水上遊。我行怪此安敢出。拔劍欲斬且復休。嗚呼六歌兮歌思遲。溪壑為我迴春姿。

吳若本注云此篇為明皇作也明皇以至德二載至自蜀居興慶宮謂之南內明年改元乾元時持盈公主往來宮中李輔國常陰候其隙間之故上元二年帝遷西內

男兒生不成名身已老。三一作十年饑走荒山道。長安卿相多少年。富貴應須致身早。山中儒生舊相識。但話宿昔傷懷抱。嗚呼七歌兮情終曲。仰視皇天白日速。

發同谷縣

乾元二年十二月一日自隴右赴劔南紀行

賢有不黔突。聖有不暖席。況我饑愚人。焉能尚安宅。始來茲山中。休駕喜地僻。奈何迫物累。一歲四

行役忡忡去絕境。杳杳更遠適。停驂龍潭雲。迴首白
一作崖石臨岐別數子。握手淚再滴。交情無舊深。一作雖無
舊深如一
作雖舊
情深知窮老多慘感。平生嬾拙意。偶值棲遁跡。去住與
願違。仰慙林間翮。

四行役

夏發華州冬離秦州十一
月至成州十二月發同谷

木皮嶺

首路栗亭西。尚想鳳皇村。季冬携童一作幼稚。辛苦赴蜀
門。南登木皮嶺。艱險不易論。汗流被我體。祈寒爲之
暄。遠岫一作岷爭輔佐。千巖自崩奔。始知五岳外。別一作更有
一作見他山尊。仰干一作看塞大明。俯人裂厚坤。再聞虎豹鬪。
屢跼風水昏。高有廢閣道。摧折如短一作斷轅。下有冬青

林石上走長根。西崖特秀發。煥若靈芝繁。潤聚金碧
氣。清無沙土痕。憶觀崑崙圖。一作墟日擊玄圃存。對此欲
何適。默傷垂老魂。

木皮嶺

方輿勝覽木皮嶺在同谷郡東二十里河池縣西十里杜甫發
同谷取路栗亭南入郡界歷當房村度木皮嶺由白水峽入蜀

卽此黃巢之亂王鐸置關
于此以遮秦隴路極險阻

廢閣道

水經注諸葛亮與兄瑾書曰其閣
梁一頭入山腹其一頭立柱于水

中今水大而急不得安柱此其窮極不可強也又云頃大水暴出赤崖以
南橋閣悉壞時趙子龍與鄧伯苗一戍赤崖屯田一戍赤崖口但得緣崖
與伯苗相聞而已後諸葛亮死于五丈原魏延先退而焚之自後
案修舊路者悉無復水中立柱逕涉者浮梁振動無不搖心眩目也

白沙渡

畏途隨長江。渡口下絕岸。差池上舟楫。杳窕入雲漢。
天寒荒野外。日暮中流半。我馬向北嘶。山猿飲相喚。
水清石礚礚。沙白灘漫漫。迴一作傷然洗愁辛。多病一疎

散高壁抵嶽嶺一作洪濤越凌亂臨風獨迴首攬轡復

三歎

白沙渡

方輿勝覽白沙渡水會渡俱屬朔州按水經注續漢書曰虞詡為武都太守下辨東三十餘里有峽中白水生大石障塞水流詡使燒石以水灌之石皆碎裂因鑄去焉詩云水清石礧礧當即此地也

水會渡

一云水回渡

山行有常程中夜尚未安微月沒已久崖傾路何難

大江動

一作當

我前洶若溟渤寬篙師暗理楫歌笑輕波

灑霜濃水石潏風急

一作烈

手足寒入舟已千憂陟巘

仍萬盤迴

一作迴

眺

一作積水

外始知眾星乾遠遊令人

瘦衰疾慙加餐

水會渡

水經注漢水又東南逕濁水城南又逕甘泉城南又東逕平洛城南又東入漢謂之會口漢水東南逕修道城南臨修水俗水

總二原東北合漢漢水又東南于槃頭郡南與濁水合濁水又東逕武街城南故下辨縣治也槃頭城在興州長舉縣南三里下辨即今同谷縣

大江

寰宇記嘉陵江去興州長舉縣南十里水經注漢水又南入嘉陵道而為嘉陵水世俗名之為階陵水非也

注漢水又東逕小城固南東歷上濤而逕于龍下伏石驚湍流屯激怒故有上下二濤之名龍下地名也自白馬迄此則平川夾勢水豐壤沃利方

飛仙閣

土門

一作出

山行窄微徑緣秋豪一云徑微上秋豪棧雲闕于峻梯石

結構牢萬壑歆疎林

一作竹

積陰帶奔濤寒日外淡泊長

風中怒號歇鞍在地底始覺所歷高往來雜坐臥人

馬同疲勞浮生有定分饑飽豈可逃歎息謂妻子我

何隨汝

一作爾

飛仙嶺

方輿勝覽飛仙嶺在興州東三十里相傳徐佐卿化鶴陞泊之地故名飛仙上有閣道百餘間即人蜀路又云飛仙閣在梁山

梁山即大
劍山也
三間也總名連雲棧華陽國志諸葛亮相蜀鑿石架空為飛梁閣道

五盤

五盤雖云險山色佳有餘仰凌棧道二云細俯映江木
疎地僻無網罟水清反多魚好鳥不妄飛野人半巢
居喜見淳朴俗坦然心神舒東郊尚格鬪巨一作猾何
時除故鄉有弟妹流落隨丘墟成都萬事好一作在豈若
歸吾廬

五盤方輿勝覽五盤嶺屬利州岑參早上
五盤詩平旦驅駟馬曠然出五盤

龍門閣

清江下龍門絕壁無尺土長風駕高一作浪浩浩自太

古危途中縈盤一作縈仰望垂綫縷滑石欹誰鑿浮梁
裊相拄目眩隕雜花頭風吹過雨一云過百年不敢料
一墜那得取飽聞一作知經瞿塘足見度大庾終身歷艱
險恐懼從此數

龍門閣

元和郡國志龍門山在利州綿谷縣東北八十二里出好鍾乳
寰宇志亦名葱嶺山梁州記云葱嶺有石穴高數十丈其狀如
門俗號為龍門方輿勝覽在綿谷縣馮鈞幹田云其他閣道雖險然在山
腰亦微有徑可以增置閣道惟此閣石壁斗立虛鑿石竅而架木其上比
他處極險

石櫃閣

季冬一作日已長山晚半天赤蜀道多早花江間饒竒
石石櫃曾波上臨虛蕩高壁清暉回羣鷗暝色帶遠
容羈棲負幽意感歎向絕跡信甘孱孺嬰不獨凍餒

迎優游謝康樂放浪陶彭澤吾衰未自安一作謝爾性

石櫃閣

方輿紀勝石欄橋在綿谷縣北一里自城北至大安軍界營橋欄閣共一萬五千三百一十六間其著名者為石櫃閣龍門閣

桔柏渡

青冥寒江渡駕竹為長橋竿濕烟一作竹漠漠江永一作水

風蕭蕭連竿動嫋娜征衣颯飄颻急流搗鷓散絕岸

龜鼉驕西轅自茲異東逝不可要高通荆門路闊會

滄海潮孤光隱顧眄遊子悵寂寥無以洗心脚前登

但山椒

桔柏

峽程記瀘合遂蜀四州皆峽之郡自巒江桔柏池導江等渡至此二百八十里會于峽前寰宇記唐書廣明二年僖宗幸蜀張憲子神見于利州桔柏津知屬利州也陳浩然本注桔柏乃文州嘉陵二江合流處也東下入渝合通荆門矣方輿勝覽桔柏渡在昭化縣今昭化驛有

古柏土人呼桔柏故以名潭立宗幸竿連竹索而為橋謂之竿元和郡蜀至益昌縣渡桔柏江即桔柏渡也國志翼州衛山縣有竿橋以竹篾為索架北江水

劔門

惟天有設險劔門一作閭天下壯連山抱西南石角皆北

向兩崖崇墉倚刻畫城郭狀一夫怒臨閭一作門百萬未

可傍一作仰珠玉陳作玉屑走中原岷峨氣悽愴三皇五帝前雞

犬各相一作自旋後王尚柔遠職貢道已喪至今英雄人

高視見霸王并吞與割據極力不相讓吾將罪真宰

意欲鏟疊嶂恐此復偶然臨風默一作憫惆悵

劔門

寰宇記小劔門在利州益昌縣西南五十里水經注云益昌有小劔門縣諸葛武侯相蜀于此立劔門以大劔山至此有隘束之路故曰劔門元和郡國志劔閣道自利州益昌縣界而南十里至大劔鎮合今驛道

鎮在劍州東四十八里其山峭壁千丈下瞰絕澗飛閣以通行旅晉中興書曰李特入漢州至劍閣領盼險阻歎曰劉禪有如此地而面縛千人豈不奴才也

鹿頭山

鹿頭何亭亭是日慰饑渴連山西南斷俯見千里豁
遊子出京華二云劍門不可越及茲險阻盡始喜原野
闕殊方昔三分霸氣曾間發天下今一家雲端失雙
闕悠然想揚馬繼起名碑兀有文一作令人傷何處埋
爾骨紆餘脂膏地慘澹豪俠窟仗鉞非老臣宣風豈
專達冀公柱石姿論道邦國活斯人亦何幸公鎮踰

歲丹僕射裴冀公冕

鹿頭山

寰宇記鹿頭山白綿州羅江縣界迤邐入漢州德陽縣界雙闕蜀都賦內則議殿爵堂武義虎威宣化之閣崇禮之

闡華闕雙邈重門洞開金鋪交映玉題相暉

冀公

兩京平裴冕以功封冀國公乾元二年六月加御史大夫成都尹劍南西川節度使

成都府

翳翳桑榆日照我征衣裳我行山川異忽在天一方
但逢新人民未卜見故鄉大江東流去一作從東來游子去
日一作月長曾城填華屋季冬樹木蒼喧然名都會吹簫
間一作奏笙簧信美無與適側身望川梁鳥雀夜各歸中
原杳茫茫初月出不高眾星尚爭光自古有羈旅我
何苦哀傷

曾城

蜀都賦亞以少城接乎其西注少城小城也在大城西市在其中也都會蜀都賦金城石郭兼市中區既麗且崇實號成

都漢武帝元鼎二年立成都十八門楊雄賦都門二九左思曰關二九之通門初月困學記聞初月出不高眾星尚爭光謂肅宗初立盜賊未息也胡文定通鑑舉要補遺序日載冥濛眾星爭耀語本于此

杜工部集卷之三

泰興縣戴清應商氏校

杜工部集卷之四

虞山蒙叟錢謙益箋註

謙益

箋註



古詩三十七首

初寓成都及至明州作

石笋行

君不見益州城西門陌

街作

上石笋雙高蹲古來

一作老又作遠

相傳是海眼苔蘚蝕

舊作食

盡波濤痕雨多

一作來

往往得瑟

瑟此事恍惚難明論恐是昔時卿相墓

塚作

立石為表

今仍有惜哉俗態好蒙蔽亦如小臣媚至尊政化錯

迕失大體坐看傾危受厚恩嗟爾石笋擅虛名後來

未識猶駿奔安得壯士擲天外使人不疑見本根

石笋

後漢書方術傳公孫述時蜀武擔石折任文公曰噫西州智士此我乃當之太子賈注云武擔山在今益州成都縣北百二十步楊

雄蜀王本紀云武都丈夫化爲女子顏色美麗蓋山精也蜀王納以爲妃
無幾物故乃廢卒之武都營土葬于成都郭中號曰武擔以石作鏡一枚
表其墓華陽國志曰王哀念之遣五丁之武都營土爲妃作冢蓋地數畝
高七丈立石俗今名爲石笋今本華陽國志云蜀有五丁力士能移山舉
萬鈞每王薨輒立大石長三丈重千鈞爲墓誌今石笋是也號曰笋里未
有謚列但以五色爲主故其廟稱青黑赤黃白帝也深益州記云石笋二
在子城西門外寶宇記武擔山俗曰石笋在郭內州城西門之北大街中杜
光庭石笋記成都子城西曰興義門金容坊有通衢百五十步有石二株
挺然聳峭高丈餘圍八九尺陸游筆記石笋其狀與筍不類 **海眼** 華陽
乃累累數石成之所謂海眼亦非妄誕至令有得之者 **海眼** 風俗
記曰蜀州之西有石笋焉天地之堆以鎮海眼動則洪濤大溢益州名畫
記孟蜀廣政中令脚務丁晏入蜀請畫工李文才寫興義門兩雙石笋微
其故實道士范德昭曰斯乃營叢啟國鎮蜀之碑中以鐵柱貫之下以橫
石相連埋木地際上有文字言歲時豐儉兵革水火之事諸葛曾掘驗之
眞珠樓基海 **瑟瑟** 西陽雜俎蜀石笋街夏中大雨往往得雜色小珠俗
眼皆非也 **瑟瑟** 謂地當海眼莫知其故蜀僧惠疑曰前史說蜀少城
飾以金壁珠翠桓温怒其太侈焚之今在此地或拾得小珠時有孔者得
非是乎予開成中讀三國典畧梁大同中驟雨殿前有雜色珠梁武有喜
色虞寄因上珠雨頌趙清獻蜀都事故石笋街眞珠樓基也皆有口人于
此立大秦寺其門樓十間皆以眞珠翠碧貫之爲簾後摧毀墜地至今基
脚在每大雨後人多拾得珠翠異物吳曾曰石笋非爲樓設而樓之建適
當石笋附近耳西陽所云未必然也博雅云瑟瑟碧珠也杜陽編有瑟瑟幕

其色輕明
薄無與爲比
趙曰此詩作于上元元年是時李輔國
間兩宮擅權蒙蔽故風石笋以指譏之

石犀行

君不見秦時蜀太守刻石立作三犀牛 草堂本注云當作五犀牛 自
古雖有厭勝法天生江水向 須 東流蜀人矜誇一千
載泛溢不近張儀樓今年灌口 注 損戶口此事或恐
爲神羞終藉 草堂作修築 隄防出衆力高擁木石當清秋先
王作法皆正道詭怪何得參人謀嗟爾三犀不經濟
缺訛只與長川逝但見元氣常 相 調和自免洪濤恣
凋瘵安得壯士 一作 提天綱再平水土犀奔 一作 茫
石犀 華陽國志秦孝文王以李冰爲蜀守冰作石犀五頭以壓水精穿
石犀溪于江南命曰犀牛里水經注市橋下謂之石犀淵李冰昔

上其文
二

作石犀五頭以壓水精後轉移犀牛二頭在府中一頭在市橋一頭沉之
于淵也寶字記李膺記云市北有石犀李冰所立陸游筆記石犀在廟之
東階下亦粗似一犀正如陝之鐵牛張儀樓華陽國志張儀築成都
耳一足不備以他石續之氣象甚古

周行遊走巫言依龜行處築之遂得堅立城西南樓白有餘尺名張儀樓
儀樓臨山峻江李膺記張儀樓即宣明門樓也重閣複道跨陽城門

口元和郡國志灌口山在彭州導江縣西北二十六里文翁穿灌口
故以灌口名山灌口鎮在縣西二十六里灌口鎮城內有望帝祠西有
李冰祠華陽國志李冰至灌及縣見兩山對如闕因號天彭關髣髴若見
神遂從水上立祠三所祭用三牲圭璧沈清漢與數使使祭之水乃灌江
作開穿峽江檢江別支流雙過郡下戶口

當是周際海賦昔在帝嬀巨唐之世天綱序
其時周際海賦昔在帝嬀巨唐之世天綱序
趙曰此寓意于三犀指
廟堂無經濟之人也

杜鵑行

君不見昔日蜀天子化作杜鵑似老鳥寄巢生子不
自啄羣鳥至今與哺雛雖同君臣有舊禮骨肉滿眼

身羈孤業工窺伏深樹裏四月五月偏號呼其聲哀
痛口流血所訴何事常區區爾豈摧殘始晉作發憤羞
帶羽翮傷形愚蒼天變化誰料得萬事反覆何所無
萬事反覆何所無豈憶當殿羣臣趨

杜鵑

華陽國志魚鳧王後有土曰杜宇教民務農一號杜宇七國稱王
杜宇稱帝號曰望帝更名蒲卑自以為功德高諸王乃以褒斜為
前門熊耳靈關為後戶玉壘峨眉為城郭江潛綿絡為池澤以汶山為畜
牧南中為園苑會有水災其相開明決玉壘山以除水患帝遂委以政事
法堯舜禪受之義遂禪位於開明帝升西山隱焉時適二月子鵑鳥鳴故
蜀人悲子鵑鳥鳴也巴亦化其教而力農務迄今巴蜀民農時先祀杜主
君蜀都賦鳥生杜宇之魄劉注蜀記曰昔有人姓杜名宇王蜀號曰望帝
宇化俗說云宇化為子規子規鳥名也蜀人聞子規鳴皆曰望帝也成都
記望帝死其魂化為鳥

名曰杜鵑亦曰子規

羈孤上元元年七月上皇遷居西內高力士流
真觀上皇不憚因不茹葷辟穀授以成疾詩云骨肉滿眼身羈孤蓋謂此
也移後之曰上皇驚欲墜馬數四高力士躍馬騰聲曰五十年太平天子
李輔國汝舊臣不宜無禮又令輔國擁馬護侍至西內故曰雖同君臣有
舊禮蓋謂此也鮑照行卷難曰愁思忽而至跨馬出北門舉頭四顧望但

見松柏荆棘鬱鬱中有一鳥名杜鵑言是古時蜀帝魂聲音哀苦鳴不息毛羽憔悴似人死飛走樹間逐蟲蟻豈憶往日天子尊念此死生變化非常理心中惻愴不能言

贈蜀僧問丘師兄太常博士均之孫

大師銅梁秀籍籍名家孫嗚呼先博士炳靈精氣奔
惟昔武皇后臨軒御乾坤多士盡儒冠墨客萬雲屯
當時上紫殿不獨卿相尊世傳問丘筆峻極逾崑崙
鳳藏丹霄暮一作龍去白水渾青熒雪嶺東碑碣舊製存
斯文散都邑高價越瓊璠晚看作者意妙絕與誰論
吾祖詩冠古同年蒙主恩豫章夾日月歲久空深根
小子思疎闊豈能達詞門窮愁一作秋一揮淚相遇即諸昆
我住錦官城兄居祗樹園地近慰旅愁

往來當丘樊天涯歇滯雨粳稻臥不翻漂然薄遊倦
始一作如與道侶一作旅敦景晏步修廊而無車馬喧夜闌接
軟語一作夜言落月如金盆漠漠世界黑一作空驅驅爭奪
繁惟有摩尼珠可照濁水源

銅梁蜀都賦外負銅梁于宕渠嚴和炳靈蜀都賦近則江漢碑

碣舊注東蜀牛頭山下有問丘均撰瑞聖寺磨崖碑嚴政書同年唐詩紀事謂審言以詩問丘均以

成都人問丘均亦以文章著稱景隆中為安樂公上所薦起家拜太常博士
公事被誅均坐貶循州司倉卒有集十卷六朝以有韻者為文無韻者

為筆所謂問丘筆也豫章服虔曰豫章大木也生七年乃可知摩尼翻譯名義摩尼或

紀事以筆為字誤矣正云末尼即珠之總名也此云離垢此寶光淨不為垢穢所染九品云如摩尼寶若在水中隨作一色

泛溪

落景下高堂進舟泛迴溪誰謂築居小未盡喬木西

遠郊信荒僻秋色有餘凄
練練峰上雪纖纖雲表霓
童戲左右岸云兒童戲左右 咎弋畢提携
翻倒荷菱亂指揮
路迷得魚已割一作鱗採藕不洗泥
人情逐鮮美物賤事已云 睽吾村
靄暝姿異舍雞亦棲蕭條欲何適
出處庶可齊衣上見新月霜中登故畦
濁醪自初熟東城多鼓聲

練練江淹麗色賦色練練而欲奪

題壁畫馬歌

韋偃畫 陳浩然草堂本 作題壁上韋偃畫馬歌

韋侯別我有所適知我憐君一作渠 畫無敵戲陳浩然本作試 拈秃
筆掃驊騮歛見騏驎出東壁一匹斲草一匹嘶坐看
千里當霜蹄時危安得真致此與人同生亦同死

韋偃

吳若本注按張彥遠名畫記鸚鵡善鑿子善小馬牛羊山原甫他詩皆云偃未知孰是甫與偃同時不應有誤疑畫記失傳東觀餘論韋鷗十馬後有李丞相吉甫題字真佳蹟也少陵有韋偃畫馬詩偃當作鷗蓋傳寫之誤閣中集名畫記皆作鷗又云張彥遠謂鷗善畫山原小馬牛羊今晉玉所藏本皆沛艾不特善小驪而已李將軍畫馬神勝形韓丞畫馬形勝神鷗從容二人間第筆格差不及耳宋景玄名畫評韋偃京兆人寓居子蜀善畫山水竹樹人物等思高格逸居閒常以越筆點簇鞍馬千變萬態或騰或倚或飲或驚或止或走或起或翹或跋其小者或頭一點或尾一抹山以墨幹水以手擦曲盡其妙宛然如騏驎吳若本真亦有圖騏驎之良畫銜勒之飾巧妙精奇韓幹之匹也騏驎注騏驎字說文不載惟玉篇云馬黑脊不言良馬往見晁無咎云旣掃驊騮乃見騏驎乃是語病不然必有誤或作騏驎二字尤非甫好用騏驎字疑別有出云騏驎馬行肯使騏驎地上行贈李二丈云踏踏騏驎老

戲題畫山水圖歌

王宰畫宰丹青絕倫一本題字下有王宰二字

十日畫一水五日畫一石能事不受相促迫王宰始
肯留真跡壯哉崑崙方壺一作丈 圖挂君高堂之素壁巴
陵洞庭日本東赤一作南 岸水與銀河通中有雲氣隨飛

龍舟人漁子入浦淑山木盡亞一作洪濤風尤工遠勢古
莫比咫尺應須論一作行萬里焉得并州快剪刀剪取
吳松半江水

王宰

朱景玄唐朝名畫錄王宰家于西蜀貞元中韋令公以客禮待之
畫山水樹石出下象外景玄曾于故席夔舍人廳事見一圖障臨
江雙樹一松一柏古藤縈繞上盤于空下着于水于枝萬葉交植屈曲分
布不雜或枯或榮或蔓或亞或直或倚葉疊千重枝分八面達土所珍
目難辨又于興善寺見畫四時屏風若移造化風候雲物八節四時
座之內妙之至極也故山水松石並可躋于妙上品名畫記王宰蜀中人
多畫蜀山玲瓏嵌空巉嵯巧峭益州名畫記
王宰大曆中家于蜀川能畫山水意出象外
赤岸七發凌赤岸筆扶
桑山謙之南徐州
記曰荆江禹貢北江也春秋分朔輒
有大濤至江乘北激赤岸尤更迅猛

題李尊師松樹障子歌

老夫清晨梳白頭玄都道士來相訪握髮手云呼兒延
入戶手提新畫青松障障子松林靜杳冥憑軒忽若

無丹青陰崖却承霜雪二云露幹偃蓋反走虬龍形老

夫平生好奇古對此興與精靈聚已知仙客意相親

更覺良工心獨苦松下丈人巾屨同偶坐似一作是商

山翁悵望一作聊歌紫芝曲時危慘澹來悲風

玄都

唐會要長安京城朱雀街有玄都觀長安志隋開
皇二年自長安故城徙通衢觀于此改名玄都

戲為雙松圖歌

天下幾人畫古松一作畢宏已老韋偃少絕筆長風起
織末滿堂動色嗟神妙兩株慄裂苔蘚皮屈鐵交錯
迴高枝白摧朽骨龍虎死黑入太陰雷雨垂松根胡
僧憇寂寞龐眉皓首無住著偏袒右肩露雙腳葉裏
松子僧前落韋侯韋侯數相見我有一匹好東絹

重之不減錦繡段已令拂拭光凌亂請公放筆為直幹

畢宏

張彥遠名畫記畢宏大曆二年為給事中畫松石于左省廳壁好事者皆詩詠之改京兆少尹為左庶子樹石擅名于代樹木改步變古自宏始也封演聞見記畢宏天寶中御史善畫古松後見張璪于閣筆畢偃精氣鑿弟鑿工山水松石雖有其名未免古拙鑿于鵬工山水高僧奇士老松異石筆力勁健風格高舉又善小馬牛羊山原俗人空知鷓鴣善馬不知松石更佳也咫尺千尋駢柯攢影烟霧縹薄風雨颼颼輪囷盡偃蓋之形宛轉極盤龍之狀宣和畫譜鷓鴣家學而烟霞風雲之變輪囷離奇之狀過其父遠甚東絹吳曾漫錄東絹關東絹也梁使肩吾答武陵王齊絹啟曰關東之妙潛絹織陋其卷納坡詩注鷓鴣溪在梓州蓋亭縣出絹甚良杜詩我有一匹好東絹蓋謂此也

投簡成華兩縣諸子

赤縣官曹擁材傑軟裘快馬當冰雪長安一作夜苦寒誰獨悲杜陵野老骨欲折南山豆苗早荒穢青門瓜地

新凍裂鄉里兒童項領成朝廷故舊禮數絕自然棄擲與時異况乃疎頑臨事拙饑臥動即向一旬弊裘何啻聯百結君不見空墻日色晚此老無聲淚垂血

赤縣

地理志成都華陽二縣並次赤鶴曰南山青門皆長安事疑是咸陽華原二縣或誤作咸也項領毛詩四牡項大也四牡者人所駕今但養大其領不肯為用後漢呂強傳羣邪項領

徐卿二子歌

君不見徐卿二子生絕奇感應吉夢相追隨孔子釋氏親抱送並是天上麒麟兒大兒九齡色清澈秋水為神玉為骨小兒五歲氣食牛滿堂賓客皆回頭吾知徐公百不憂積善衮衮生公侯丈夫生兒有如此二雛者名位豈肯卑微休一云異時名位豈肯卑微休

麒麟

陳書徐陵母臧氏嘗夢五色雲化而為鳳集左肩上已而誕陵焉寶誌上人者世稱其有道陵年數歲家人攜以候之寶誌手摩其頂曰至石麒麟也

病柏

有柏生崇岡童童狀車一作青蓋偃蹇龍虎姿主當風雲

會神明依正直故老多再拜豈知千年根中路顏色

壞出非不得地蟠據亦高大歲寒忽無憑一作用日夜柯

葉改一作碎丹鳳領九鷲哀鳴翔其外鴟鴞志意滿養子

穿穴一作窟內客從何鄉來佇立久吁怪靜求元精一作無根理

浩蕩難倚賴

丹鳳

古樂府鳳凰鳴啾啾一母將九鷲何承天云老嫗何等語何不云鳳凰將九子

病橘

病橘

羣一作伊橘少生意雖多亦奚為惜哉結實小一作少酸澀如

棠梨剖一作割之盡蠹蟲一作蝕采掇爽其一作所宜紛然不適口

豈只存其皮蕭蕭半死葉未忍一作忽別故枝玄冬霜雪

積况乃迴風吹嘗聞蓬萊殿羅列瀟湘姿此物歲不

稔玉食失一作少光輝寇盜尚憑陵當君減膳時汝病是

天意吾論一作云愁罪有司憶昔南一作聞海使奔騰獻荔支

百馬死山谷到今耆舊悲

南海

後漢和帝紀南海獻龍眼荔支十里一置五里一候奔騰險阻死者繼路時臨武長汝南唐羌縣接南海乃上書陳狀杜田曰唐所

貢乃涪州荔支由子午道而往公借其事以論也按貴妃嗜荔支治與南海並進詳在解悶注中

枯櫟

蜀門多櫟一作榟櫟高者十八九其皮剝剝甚雖眾亦易

朽徒布一作有如雲葉青黃歲寒後交橫集斧斤凋喪先
蒲柳傷時苦軍之一物官盡取嗟爾江漢人生成復
何有有同枯櫻木使我沈嘆久死者即已休生者何
能自守嗷嗷黃雀啁側見寒蓬走念爾形影乾一作枯
摧殘沒藜莠

枯桷

梗桷枯嶢嶢鄉黨皆莫記不知幾百歲慘慘無生意
上枝摩皇一作蒼天下根蟠厚地巨圍雷霆坼萬孔蟲蟻
萃凍雨落流膠衝風奪佳氣白鷓遂不來天鷄為愁
思猶含棟梁具無復霄漢一作雲志良工古昔少識者出
涕淚種榆水中央成長何容易截承金露盤裊裊不

自畏

東雨

大司命使東雨今灑塵爾雅注今江東呼夏月暴雨為東雨

種榆

師曰榆生水中地卑而物賤今載以承露盤以采晬

之物而勝此重任可不自畏乎石林云此詩當為房次律而作

丈人山

地為曼丈人

自為青城客不唾青城也愛丈人山丹梯近幽意
丈人祠西佳氣濃綠雲擬住最高峰掃除白髮黃精
在君看他時冰雪容

丈人山

寰宇記青城山在縣西北三十二里道書福地記云上有沒溺池有甘露芝草玉置經曰黃帝破山通道編歷五岳封青城山

為五岳丈人乃岳瀆之上司真仙之崇秩一月之內羣岳再朝六時灑泉以代晷漏一名赤城一名青城都一名天國山亦為第五大洞寶仙九室之天對郡之西北在岷山之南羣峰掩映互相連接靈仙所宅神異甚多黃帝刻石拜謁篆書猶存又有石日月像天師立青城治于其中杜光庭

青城山記岷山連峰接岫千里不絕青城乃第一峰也此山前號青城後曰大面山其實一耳有七十二小洞應七十二候有八大洞應八節天倉諸峰屹然丈人祠輿地紀勝丈人觀在青城北二十里上清宮記云昔甯封先生棲于此巖之上黃帝師焉乃築壇拜甯君爲五岳丈人不唾左傳不顧而唾智度論若入寺時當歌頌贊歎不唾僧地

百憂集行

憶年十五心尚孩健如黃犢走復來庭前八月梨棗熟一日上樹能千迴卽今倏忽已五十一作卽今年纔五六十坐臥只多少行立強將笑語供主人悲見生涯百憂集入門依舊四壁空老妻觀我顏色同癡兒未知父子禮叫怒索飯啼門東

門東

漫叟詩話庖厨之門在東故曰啼門東非趣韻也

戲作花卿歌

吳若本注顯下此謂段子璋反東川李旻走成都崔光遠討平之時事也崔大夫謂光遠子章作此

璋字李侯疑卽真營領東川以子璋亂出奔及平復得之鎮故云重有此節度也

成都猛將有花卿學語小兒知姓名用如快鷲風火生見賊唯多身始輕綿州副使著柘黃我卿掃除卽日平子章一作璋羈縻血模糊手提擲還崔大夫李侯重有此節度人道我卿絕世一作代無旣稱絕世無天子何不喚取守京都

上元二年四月梓州刺史段子璋反襲東川節度使李旻于綿州自解梁王改元黃龍以綿州爲黃龍府置百官五月成都尹崔光遠率將花驚定攻拔綿州斬子璋高適傳西川牙將花驚定恃勇旣誅子璋大掠東蜀天子怒光遠不能戢軍乃罷之以適代爲成都尹吳若本注云李旻領東川以子璋亂奔成都及平復得之鎮故曰重有此節度也山谷云花卿家在丹陵之東館鎮至今有英氣血食其鄉謝臯羽有花卿冢行云濕雲模糊埋秋空雨青沙白丹陵東

入奏行

贈西山檢察使竇侍御

竇侍御驥之子鳳之雛年未三十忠義俱骨鯁絕代

無炯如一段清水出萬壑置在迎風寒露之玉壺蔗

漿歸厨金盃凍洗滌煩熱足以寧君軀政一作用疎通

合典則戚聯豪貴耽文儒兵革未息人未蘇天子亦

念西南隅吐蕃憑陵氣頗麤竇氏檢察應時須樊作才

運糧繩橋壯士喜斬木火井窮猿呼八州刺史思一

戰三城守邊却可圖此行入奏計未小密奉聖旨恩

宜一作殊繡衣春當飄飄霄漢立綵服日向庭闈趨此下

花未落還成都此句云還肯訪浣花老翁無二公來肯為君酤

酒滿眼酤二句一云携酒肯訪浣與奴白飯馬青芻

有開濟人所仰飛騰正時須

入奏

唐會要有劔南西山運糧使 迎風寒露 西都賦既新作千迎

繩橋

元和郡國志繩橋在茂州汶川縣西北三里架大江水篾竿四條

火井

蜀都賦火井沈熒于幽泉善注蜀郡有火井在臨

八州

適奏云梓遂果蘭等八州分爲東川節度嘉陵北

三城

又云自叩關黎雅界于南蠻也茂州而西經中至平戎數城界

弼

弼曰西山三城謂姚維松也皆當吐蕃之要衝

州

州刺史因出西山三城置成論之請罷東川節度以一劔南西山不急之

兵

兵馬悉付西川與適議合而是時適在成都與公往來草堂別罷西川

疏

疏託侍御入奏故題曰入奏行也此詩云此行入奏計未小蓋適以此

相

相賀白飯青芻下及奴馬宴喜之至也

相

相賀白飯青芻下及奴馬宴喜之至也

栲樹為風雨所拔歎栲一作高

倚江栲樹草堂前一作古老相傳二百年誅茅卜居總

為此五月髣髴聞寒蟬東南飄風動地至江翻石走

流雲氣幹一作雪排雷雨猶力爭根斷泉源豈天意滄波

老樹性所愛浦上童童一青蓋野客頻留懼雪霜

行人不過聽竽籟虎倒龍顛委榛一作荆棘淚痕血點垂

胸臆我有新詩何處吟草堂自此無顏色

竽籟高唐賦織條悲鳴聲似竽籟

茅屋為秋風所破歌

八月秋高風怒號卷我屋上三重茅茅飛度江灑一作滿

江郊高者掛罨長林梢下者飄轉沉塘坳南村羣童

欺我老無力忍能對面為盜賊公然抱茅入竹去唇

焦口燥呼不得歸來倚杖自嘆息俄頃風定雲墨色

秋天漠漠向昏黑布衾多年冷似一作象鐵驕兒惡臥踏

裏裂床床屋漏無乾處雨脚如麻未斷絕自經喪亂

少睡眠長夜沾濕何由徹安得廣廈千萬間大庇天

下寒士俱歡顏風雨不動安如山嗚呼何時眼前突

兀見此屋吾廬獨破受凍死一作意亦足

趙曰二詩皆上元二年作

大雨

西蜀冬不雪春農尚嗷嗷上天回哀眷朱一作清夏雲鬱

陶執熱乃沸鼎織絺成縕袍風雷颺萬里霈澤施蓬

蒿敢辭茅葦漏已喜黍豆高三日無行人一作江聲
怒號流惡邑里清矧茲遠江臯荒庭步鸚鵡隱几望
波濤沉痾聚藥餌頓忘所進勞則知潤物功可以貸
不毛陰色靜隴畝勸耕自官曹四鄰耒耜出一作出何
必吾家操

二江水經注成都縣有二江雙流郡下故揚子雲蜀都賦曰兩江珥其前者也風俗通曰秦昭王使李冰為蜀守開成都兩江溉田萬頃
寰宇記今謂左傳有汾澮流惡以流其惡

溪漲

當時浣花橋溪水纔尺餘白石一作明可把水中有行
車秋夏忽泛溢豈惟一作伊入吾廬蛟龍亦狼狽况是鼃
與魚茲晨已半落歸路跬步踈馬嘶未敢動前有深

填淤青青屋東麻散亂床上書不意一作知遠山雨夜來
復何如我遊都市間一作或晚憇必村墟乃知久行客
終日思其居

填淤講瀛志來春桃花水盛必美溢有填淤反壤之害

戲贈友二首

元年建巳月郎有焦校書自誇足膂力能騎生馬駒一
朝被馬踏脣裂板齒無壯心不肯已欲得東擒□
元年建巳月官有王司直馬驚折左臂骨折面如墨
鴛鴦漫一作慢深陳浩然本作泰泥何不避雨色勸君休歎恨未必
不為福

建巳月是月代宗改元復以建巳月為四月詩云元年建巳月記其初也

遭田父泥飲美嚴中丞

步屣隨春風，村村自花柳。田翁逼社日，邀我嘗春酒。
酒酣誇新尹，畜眼未見有。迴頭指大男，渠是弓弩手。
名在飛騎籍，長畚歲時久。前日放管農，辛苦救衰朽。
差科死則已，誓不舉家走。今年大作社，拾遺能住否。
叫婦開大瓶，盆中為吾取。感此氣揚揚，須知風化首。
語多雖雜亂，說尹終在口。朝來偶然出，自卯將及酉。
久客惜人情，如何拒鄰叟。高聲索果栗，欲起時被肘。
指揮過無禮，未覺村野醜。月出遮我留，仍嗔問升斗。

喜雨

春旱天地昏，日色赤如血。農事都已_{樊作未}，林兵戈況騷。

肩巴人困軍須慟，哭厚土熱滄江。夜來雨真宰，罪一
雪穀根小_{一作少}。蘇息沴氣終不滅，何由見寧歲。解我憂
思結，崢嶸羣_{一作東}。山雲交會未斷絕，安得鞭雷公滂沱

洗吳越_{時開浙右多盜賊}

吳越_{寶應元年八月台州賊表是陷台州連陷浙東廣德元年四月李光弼奏生擒表是浙東盡平}

漁陽

漁陽突騎猶精銳，赫赫雍王都_{一作前}。節制猛將飄然恐，
後時本朝不入非。高計祿山北，築雄武城舊防敗。走
歸其營，繫書請問燕蒼舊。今日何須十萬兵。

突騎_{吳漢亡命在漁陽說太守彭寵曰漁陽突騎天下所聞也光武克邯鄲謂馬武曰吾得漁陽上谷突騎欲令將軍將之蔡邕幽州刺}

史議曰幽州突騎冀州強弩天下精兵國家_{寶應元年九月魯王適} 雍王_{改封雍王十月詔天下}

兵馬元帥雍王統河東朔方及諸道行營
同紇等兵十餘萬討史朝義會軍于陝州
外示禦寇內貯兵罷養同羅及降奚契丹
與落河八千餘為已子又畜單于護真
戰馬數萬匹牛羊五萬餘頭
趙復曰公在梓聞雍王授鉞作此詩以
諷河北諸將謂飄然而來猶恐後
時乃擁兵不入本朝豈高計乎末又
舉祿山往事以戒之舊注以後事傳
會錯亂殊甚

黃河二首

黃河北岸海西軍
椎鼓鳴鐘天下聞
鐵馬長鳴不知作
數口人高鼻動成羣

雍王至陝州回紇可汗屯于河北與僚屬從數十騎往見之諸軍發陝州僕固懷恩與回紇左殺為前鋒此所謂河北海西軍也舊注指吐蕃入寇

黃河西岸是吾蜀
欲須供給家無粟
願驅眾庶戴君王
混一車書棄金玉

一云北一云南俱非

趙復曰此閩蜀人之困而願君王之無侈如云不寶金玉之義

天邊行

天邊老人歸未得
日暮東臨大江哭
隴右河源不種田
騎羗兵入巴蜀
洪濤滔天風拔木
前飛禿鶯後鴻鵠
九度附書向洛陽
十年骨肉無消息

鶴曰至德二載吐蕃侵取廓州等州及河源莫門軍寶應元年陷臨洮取秦成渭等州此云隴右河源不種田則河隴尚未盡失至廣德元年始盡取隴右之地也

大麥行

大麥乾枯小麥黃
婦女行泣夫走藏
東至集壁西梁洋
問誰腰鎌與羗
豈無蜀兵三千人
領辛苦江山長安
得如鳥有羽翅託
身白雲還故鄉

一作人

一作人

五千

一作海

吳若本注云後漢桓帝時童謠小麥青青大麥枯誰當種者婦與姑此詩源流出此建卯月羌薄奴刺寇梁州建辰月党項奴刺寇洋州此詩當是實應元年作

集壁梁洋

四州皆屬山南西道實應元年

苦戰行

苦戰身死馬將軍自云伏波之子孫干戈未定失壯士使我歎恨傷精魂去年江南英華作南行討狂賊臨江把臂難再得別時孤雲今不飛時獨看雲淚橫臆

馬將軍

馬將軍舊注指馬躡大謬以曆十二年卒也遂州在涪江少南故曰江南蓋必死于段干璋之亂者

去秋行

去秋涪江木落時臂槍一作蒼走馬誰家兒到今不知白骨處部曲有去皆無歸遂州城中漢軍在遂州城外巴人稀戰場冤魂每夜哭空令野營一作士悲

漢節

鮑欽止曰上元二年段干璋反遂州刺史劉元王巨修蜀郡禮出迎于璋殺之故云遂州城中漢節在左一傷之也

述古二首

赤驥頓長纓非無萬里姿悲鳴淚至地為問馭者誰一作天鳳凰從東來何意復高飛竹花不結實念子忍朝饑古時君臣合可以物理推賢人識定分進退一作固其宜

市人日中集於利競錐刀置膏烈火上哀哀自煎熬農人望歲稔相率除蓬蒿所務穀一作農為本邪贏無乃勞舜舉十六相身尊道何高秦時任商鞅法令如牛毛

漢光得天下祚永固有開豈惟高祖聖功自蕭曹來

經綸中興業何代無長才吾慕寇鄧勲濟時信良哉
耿賈亦宗臣羽翼共徘徊休運終四百圖書在雲臺
四百後漢書獻帝贊終我四百永作虞賓

杜工部集卷之四

季振宜滄葦氏校

杜工部集卷之五

虞山蒙叟錢謙益雙註

古詩五十六首

居東川再至關州復觀成都作

觀打魚歌

綿州江水之一作水東津魴魚鱖魚色勝銀漁人漾舟沉
大網截江一擁數百鱗衆魚常才盡却棄赤鯉騰出
如有神潛龍無聲老蛟怒迴風颯颯吹沙塵饕子
左右揮霜刀鱸飛金盤白雪高徐州秃尾不足憶一作借
漢陰槎頭遠遁逃魴魚肥美知第一既飽歡娛亦蕭
瑟君不見朝來割素鬢咫尺波濤永相失

綿州寰宇記漢為涪縣屬廣漢郡即涪水之所經隋開皇五年改涪州為綿州以綿水為涪水經注綿水西出綿竹縣又與涪水合亦謂此集卷五

之耶江也又言是洛水洛水又赤鯉古今注齊州人謂赤鯉為赤鯉

南運洛縣故城南漢漢郡治也仍不得喫號赤鯉公責者次六十杜實大業拾遺錄蔡郡清於水有大魚

似鯉頭一角長尺餘鱗正赤從水出入橫濱迸流西北十餘里入通濟渠

皆謂赤龍大鯉從謂而禿尾詩義疏鯉似鯉而大頭魚之不美者故聖

出此亦唐祚將興之兆禿尾語曰買魚得鯉不知喚如徐州謂之鯉或

謂之鱗殆所謂槎頭襄陽言善傳峴山下漢水中出鱗魚肥美常禁人

徐州禿尾也槎頭採捕以葦簍水謂之槎頭鱸宋張敞兒為刺史齊

高帝求此魚敬兒作輓轡船置魚而獻曰奉槎頭鱸項鱸魚一千六百頭

夢弼曰係炎釋爾雅積柴木水中養魚曰樛襄陽俗謂樛為槎頭言積柴

木槎也然也

然也

然也

然也

然也

然也

然也

然也

然也

然也

然也

然也

然也

然也

然也

然也

然也

然也

蒼江漁子清晨集設網提綱萬魚急能者操舟疾
若風撐突波濤挺義入小魚脫漏不可記半死半
生猶戢戢大魚傷損皆垂頭屈強泥沙有特立東

又觀打魚

牛素馨 西征賦華飭曜 鱗素鯉揚鬣

津觀魚已再來主人罷鱸還傾盃日暮蛟龍收窟穴
山根鱸鮓隨雲雷千戈兵革鬪未止鳳凰麒麟
麟安在哉吾徒為縱此樂暴殄天物聖所哀

挺義 西征賦垂餌出入挺義來往注又取 山根 東京賦王鮪岫居山

南小平山故有山根之句古今注 有穴曰岫其穴在河

越王樓歌

綿州州府何磊落顯慶年中越王作孤城西北起高
樓碧瓦朱甍照城郭樓下長江百丈清山頭落日半
輪明君王舊跡今人賞轉見千秋萬古情

越王樓 綿州圖經在綿州城外西北有臺高百尺上有樓下瞰州城唐

南州因向城隅建此樓橫玉遠開千嶺雪暗雷

下嘉一江流貞刺綿州本傳不載蓋史闕也

土表卷五

二

二

二

海棕行

左綿公館清江濱海棕一株高人雲龍鱗犀甲相錯
落蒼稜白皮十抱文自一作是眾木亂紛紛海棕焉知
身出羣移裁比辰不可得時有西域口僧識

左綿

蜀都賦千東則左綿巴中百濮所充舊注綿州涪水所經涪居其右綿居其左故曰左綿海棕唐子西濟家

云江邊勝事畧尋邇不見海棕高入雲注云即老杜所云東津有蓋館與
標皆在涪江之東津也陸放翁云老杜在左綿所賦海棕今已不存宋子
京蓋都方物海樓贊樓皆櫛皮此獨自餘櫛葉于顛蘇首披散秋華而實
其值則四千注云大抵樓類然不皮而櫛葉叢于杪至秋乃實似棟子

姜楚公畫角鷹歌

楚公畫鷹鷹戴角殺氣森森一作到幽朔觀者貪愁一作徒驚
掣臂一作飛畫師不是無心學此鷹寫真在左綿却嗟
真骨遂虛傳梁間燕雀休驚怕亦未搏空上九天

楚公

名畫記姜皎嘗畫鷹鳥玄宗在藩為尚衣奉御即位累官至太常卿封楚國公陸務觀云畫鷹在綿州錄參廳

相從歌贈嚴二別駕

嚴別駕相送歌

我行入東川十步一迴首成都亂罷氣蕭颯一作瑟浣

花草堂亦何有梓中一作豪俊一作大者誰本州從事知

名久把臂開樽飲我酒清酣擊劍蛟龍吼烏帽拂塵

青螺一作粟紫衣將炙緋衣走銅盤燒蠟光一作吐日夜

如何其初促膝黃昏始扣主人門誰謂俄頃一作膠在

漆萬事盡付形骸外百年未見一作歡娛畢神傾意豁

真佳士久客多憂今愈疾高視乾坤又可一作愁一軀

交態同一作悠悠垂老遇君未恨晚似君須向古人求

刺浩然本及草堂者本題下而注云時方經崔旰之亂吳若本無之鶴曰
崔旰之亂在永泰元年公已次雲安此詩當是寶應元年避徐知道之亂

往梓州作也題下七字乃注家妄添而後東川元和郡國志梓州今人不察以謂公自注也今從吳若本削去東川為東川節度使理所青螺泉趙曰青螺泉帽之紋也

光祿坂行

山行落日下絕壁西望千山萬山一作水赤樹枝有鳥亂鳴一作棲時暝色無人獨歸客馬驚不憂深谷墜草動只怕長弓射安得更似開元中道路即今多一云何擁隔

光祿坂

舊注在梓州銅山縣

長弓

吳若本注云白日賊多翻是長弓子弟

鶴曰崔寧傳云寶應初蜀中亂山賊擁絕道路代宗憂之此詩乃寶應元年作

冬到金華山觀因得故拾遺陳公學堂遺跡

涪右眾山內金華紫崔嵬上有蔚藍天垂光抱瓊臺繫舟接絕壁杖策窮縈回四顧俯層巔淡然川谷開

雪嶺日色

一作光

死霜鴻有餘哀焚香玉女跪霧裏仙人

來陳公讀書堂石柱及青苔悲風為我起激烈傷雄才

山觀

輿地紀勝陳拾遺書堂在射洪縣北金華山大曆中東川節度使李叔明為立旌德碑于金華山讀書堂今在玉京觀之後有唐劉

晚詩盧藏用祭文

涪右

元和郡國志涪江水西者自郫縣界流入在射洪縣東一百步縣有梓潼水與涪江合流水經涪水南至小廣

魏與梓潼合

蔚藍

度人經鬱藍王明天陸放翁云蔚藍乃隱語天名井可以義理解也杜詩云猶水有害韓子蒼乃云水色天光共蔚

藍直謂入水之色俱如藍耳恐又因老杜而失之者也

雪嶺

寰宇記懸巖在射洪縣南十五里遠望懸巖皎如白雪

曹綱遠游詩靈龜戴方丈神物靈峩峩仙人翔其隅玉女戲其阿

陳拾遺故宅

拾遺平昔居大屋

一作宅

尚脩椽悠揚

一作悠悠

荒山日慘淡

一作簷

故園

一作園

烟位下曷足傷所貴者聖賢有才繼騷雅哲

匠不比肩公生揚馬後名與日月懸同遊英俊人多
秉輔佐權彥昭超一作趙玉價郭振一作震起通泉到今素壁
滑洒翰銀鈎連盛事會一時此堂豈千年終古立一作占
忠義感遇有遺編

舊書陳子昂家世豪富子昂獨苦節讀書為感遇詩三十首王適見而驚曰此子必為天下文宗矣高宗崩詣闕上書自稱梓州射洪縣草莽愚臣子昂則天召見拜麟臺正字再轉右拾遺彥昭趙彥昭少以文詞名中宗時累遷中書侍郎注曰中宗時彥昭以權幸得相唐史彥昭傳不載入蜀事鶴曰元振尉通泉在梓州東南一百三十里而彥昭與元振同業太學故宜同游

謁文公上方

野寺隱喬木山僧高下居石門日色異絳氣橫扶疎
窈晉作育窈人風磴長蘿紛卷舒庭前猛虎卧遂得文公
廬俯視萬家邑烟塵對階除吾師雨花外不下十年

餘長者自布金禪龕只晏如大一作火珠脫玷翳白月一作日
當空虛甫也南北人蕪蔓少耘鋤久遭詩酒污何事
忝簪裾王侯與螻蟻同盡隨丘墟願聞第一義迴向
心地初金篦刮眼膜價重百車渠無生有汲引茲理
儻吹嘘

奉贈射洪李四丈明甫

丈人屋上烏人好烏亦好人生意氣豁不在相逢早
南京亂初定所向邑一作色枯槁遊子無根株茅齋付秋
草東征下月峽挂席窮海島萬里須十金妻孥未相
保蒼茫風塵際踏蹬騏驎老志士懷感傷心胸已傾
倒

屋上烏

亦云愛屋及烏

毛詩傳富人之屋烏所集也尚書大傳武王登夏臺以臨殷民周公曰愛其人者愛其屋上之烏憎其人者憎其備首孔叢子

早發射洪縣南途中作

將老憂貧窶筋力豈能及征途乃一作復侵星得使諸
病入鄙人寡道氣在困無獨立傲裝逐徒旅達曙凌
險澁寒日出霧遲清江轉山急僕夫行不進驚馬若
維繫汀洲稍疎散風景開快一作悒空慰所尚懷終非
曩遊集衰顏偶一破勝事難屢一作挹茫然阮籍途更
洒楊朱泣

傲裝

思玄賦簡元辰而傲裝注傲始也

通泉驛南去通泉縣十五里山水作

溪行衣自濕亭午氣始散冬溫蚊蚋在一作人遠鳧鴨
亂登頓生曾陰欹傾出高岸驛樓衰柳側縣郭輕烟
畔一川何綺麗盡日一作窮壯觀山色遠寂寞江光夕
滋漫傷一作時愧孔父去國同王粲我生苦飄零所歷
有嗟歎

通泉

寰宇志通泉縣故西宕渠郡湧泉縣地名黃許川隋置通泉縣通泉山在縣西北二十里東臨涪江壁絕二百餘丈水從山頂湧出

涪江亭午

天台賦羲和亭午暮要日在午曰亭午

過郭代公故宅

豪俊初未遇其跡或脫畧代公尉通泉放意何自若
及夫登衮冕直氣森噴薄一本此下有精魄灑磊落見異人
豈伊常情度定策神龍後宮中翕清廓俄頃辨尊親

指揮存顧託羣公有一作慚色王室無削弱迴出名臣
上丹青照臺閣我行得遺跡一作池館皆疏鑿壯公臨
事斷顧步涕橫落尊堂本精魄樂如高咏寶劍篇神交付
冥漠

郭代公

張說撰行狀云公少儻廓落有大志十六入太學與薛稷趙
彦昭同業十八擢進士第其年判入高等請外官授梓州通泉
尉落拓不拘小節常鑄錢掠良人財以濟四方海內同聲合氣有至千萬
者則天聞其名驛徵引見語至夜甚奇之問蜀川之踏對而不隱令錄舊
文乃上古劍歌則天覽而佳之令寫數十本遍賜學士先天二年知政事
太平公主竇懷貞潛結黨謀廢皇帝睿宗猶豫不決諸相皆阿諛順旨
惟公廷爭不受詔及舉兵誅懷貞等宮城大亂睿宗步蕭章門觀變諸相
皆窺外省公獨登奉天門樓躬侍睿宗聞東宮兵至將欲投于樓下公親
扶聖躬敦勸乃止及上即位備中書
十四日獨知政事下詔封代國公
箋曰按代公定策在先天二年而杜詩云定策神龍後蓋太平安樂二公
上及韋后用事俱在神龍二年故云神龍後也吳若本注云明皇與劉幽
求平韋庶人之亂正在神龍後元振常有功其間而史失之微此詩無以
見不知元振為宗楚客等所嫉出之安西幾為所陷楚客等被誅始得徵

選何從與平韋后之亂此
泥詩而不考古之過也

觀薛稷少保書畫壁

少保有古風得之陝郊篇惜哉功名忤但見書畫傳
我游梓州東遺跡涪江邊畫藏青蓮界書入金榜懸
仰看垂露姿不崩亦不騫鬱鬱三大字蛟龍岌相纏
又揮西方變發地扶屋椽慘淡壁飛動到今色未填
此行登壯觀郭薛俱才賢不知百載後誰復來通泉

張彥遠名畫記薛稷字嗣通河東汾陰人多才藻工書畫外祖魏文貞公
富有書畫多虞褚子寫表疏稷銳意撫學窮年忘倦官至銀青光祿大夫
太子少保封晉國公實懷貞累之年六十九朱景玄名畫錄薛稷天后朝
位至幸輔學書師褚河南時稱賞褚得薛不失其節畫蹤如籀立本曾旅
游新安郡遇李白因相留請書永安寺額兼畫西方佛一壁筆力瀟灑風
姿逸秀曹張之匹也二跡之妙李翰林題讚見在張燕公豫州判魏君碑
公諱叔瑜考太師鄭文貞公善草隸妙絕時人以筆意傳次子華及
甥河東薛稷世稱前有真褚後有薛魏金壺記呂總曰薛稷書如風驚死

花雪慈山栢與地紀勝薛緩善書普寺三字
方徑三尺筆畫雄健在通泉壽聖寺聚古堂
垂露 金壺記漢曹喜字仲則工篆隸
變懸針垂露之法後世不易
與薛稷趙彥昭同入太學蓋郭與
薛舊為同舍後又會于通泉也
通泉 郭元振薛稷善郭傳云

通泉縣署屋壁後薛少保畫鶴

薛公十一鶴皆寫青田真畫色久欲盡蒼然猶出塵
低昂各有意磊落如長人佳此志氣遠豈惟粉墨新
萬里不以力羣遊森會神威遲白鳳態非是倉鷓鄰
高堂未傾覆常一作幸得慰嘉賓曝露牆壁外終嗟風雨
頻赤霄有真骨耻飲洿池津冥冥任所往脫畧誰能

馴

名畫記稷尤善花鳥人物雜畫畫鶴知名屏風六扇鶴樣自稷始也名畫
錄今秘書省有稷畫鶴時號一絕又蜀郡亦有鶴并佛像菩薩青牛等傳

于世並居神品封氏見聞記今尚書省考功員外郎廳有稷畫鶴宋之間
為讚工部尚書廳有稷畫樹石東京尚書坊岐王宅亦有稷畫鶴皆稱精
絕米芾有題所得
蘇氏薛稷二鶴詩
青田 晉永嘉郡記曰有沐溪去青田九里此中有雙
耳精白可愛
多云神所養
赤霄 七命樹歸翻
于赤霄之表

陪王侍御同登東山最高頂宴姚通泉晚携酒

泛江

姚公美政誰與儔不減昔時陳太丘邑中上客有柱
史多暇日陪驄馬游東山高頂羅珍羞下顧城郭銷
我憂清江白日落欲盡復携美人登綵舟笛聲憤怨
哀中流妙舞逶迤夜未休燈前往往大魚出聽曲
低昂如有求三更風起寒浪湧取樂喧呼覺船重滿
空星河光破碎四座賓客色不動請公臨深一作江莫相

違迴船罷酒上馬歸人生歡會豈有極無使霜過露
一作

春日戲題惱郝使君兒

使君意一作氣凌青霄憶昨歡娛常見招細馬時鳴金
驥裏佳人屢出董嬌饒東流江水西飛鷺可惜春光
不相見願携王趙兩紅顏再騁肌膚如素練通泉百
里近梓州請一作公一來開我愁舞處重看花滿面尊
前還有錦纏頭

董嬌饒

玉臺新詠宋子侯有董嬌饒詩毛晃韻
新增嬌字誤引此詩作妖嬌宜正之纏頭太真外傳上戲
曰阿瞞樂籍今
日幸得供養夫人請一纏頭唐書魚朝恩出錦三匹羅五十匹綾一百匹
為子儀纏頭之費御覽云舊俗賞歌舞人錦綵置之頭上謂之纏頭宴享
加恩借
以為詞

短歌行贈王郎
司直

王郎酒酣拔劍斫地歌莫哀我能拔爾抑塞磊落之
奇才豫樟翻風白日動鯨魚跋浪滄溟開且脫佩劍
休徘徊西得諸侯綽錦水欲向何門跋一作珠履仲宣
樓頭春色一作深青眼高歌望吾子眼中之人吾老矣

王司直

贈友詩官有王
司直即其人也仲宣樓方輿勝覽在荊州府城東
南隅後梁時高季興建吾子

短歌行

送祁錄事歸合州因寄蘇使
君 草堂本作邛州錄事前者途中一相見人事經年記君面後生相動一作何
寂寥君有長才不貧賤君今起柁春江流余亦沙邊
具小舟幸為達書賢府主江花未盡會江樓

江樓

方輿紀勝在合州州治之前釣魚山學士山巫山橫其前下臨漢水

陪章留後惠義寺餞嘉州崔都督赴州

中軍待上客令肅事有恒前驅入寶地祖帳飄金繩

南陌一作既留歡茲山亦深登清閣樹杪磬遠謁雲端

僧迴策匪新岸一作所攀仍舊藤耳激洞門廳目存寒

谷冰出塵悶軌躅畢景遺炎蒸永願坐長夏將衰棲

大乘羈旅惜宴會艱難懷友朋勞生共幾何離恨兼

相仍

金繩

法華經國名離垢琉璃為地有八交道黃金繩

將適吳楚留別章使君留後兼幕府諸公得柳

字

我一作來入蜀門歲月亦已久豈唯長兒童自覺成老

醜常恐性坦率失身為杯酒近辭痛飲徒折節萬夫

一作後昔如一作縱壑魚今如喪家狗既無遊方戀行止

復何有相逢半新故取別隨薄厚不意青草湖扁舟

落吾手眷眷章梓州開筵俯高柳樓前出騎馬帳下

羅賓友健兒簸紅旗此樂一作難朽日車隱崑崙鳥

雀噪戶瀾波濤未足畏一作三峽徒雷吼所憂盜賊多

重見衣冠走中原消息斷黃屋今安否終作適荆蠻

安排用莊叟隨雲拜東皇挂席上南斗有使即寄書

無使長迴首

青草湖

荆州記巴陵南有青草湖周迴百里日月出沒其中湖南有青草山故因以為各一名洞庭湖南遷錄洞庭湖西岸有沙洲堆

阜隆起即青草廟下一湖之內中有此東皇隋志曰荊州尤重祠祀屈
洲南名青草北名洞庭所謂重湖也原製九歌蓋由此也五臣
曰太乙星名天之尊神祠在楚東以配東帝故曰東皇

山寺得開字章 留後同遊

野寺根一作石壁諸龕遍崔嵬前佛不復辨百身一莓
苔雖一作有古殿存世尊亦塵埃如聞龍象泣足令信
者哀使君騎紫馬捧擁從西來樹羽靜千里臨江久
徘徊山僧衣藍縷告訴棟梁摧公為顧一作賓徒一作兵從
咄嗟檀施開吾知多羅樹却倚蓮華臺諸天必歡喜
鬼物無嫌猜以茲撫士卒孰曰非周才窮子失淨處
高人憂禍胎歲晏風破肉荒林寒可迴思量人一作道
苦自晒同嬰孩

多羅

西陽雜俎貝多出摩伽陀國長六七丈經冬不凋此樹有三種一
者多羅婆力貝多二者多黎婆力貝多三者都蘭婆力貝多多
羅多黎漢翻為葉貝多婆力者漢言葉樹也西域經書用此三種皮葉
若能保護亦得五六百年翻譯名義舊名貝多此翻岸形如此方樓欄極
高長八九十尺有人云一多羅樹高七仞西域記云南印建那補羅國北
不遠有多羅樹林三十餘里其葉長廣其色光潤諸國書寫莫不採用

窮子

見法華經

機拂子

機拂且薄陋豈知身効能不堪代白羽有足除蒼一作
蠅熒熒金錯刀擢擢朱絲繩非獨顏色好亦用一作顧
盼稱吾老抱疾病家貧卧炎蒸唾膚倦撲滅賴爾耳
服膺物微世競棄義在誰肯徵三歲清秋至未敢闕
緘滕

金錯

文選四愁詩美人贈我金錯刀善注續漢書曰佩刀諸侯王黃金
錯環謝承後漢書詔賜應奉金錯把刀前漢志新室更造契刀錯

刀錯刀以黃金錯其文一刀直五千此云榮榮金錯刀謂佩刀也對雪詩
云金錯囊徒器謂錢刀也虎牙行云金錯旌竿滿雲直謂以黃金錯鏤旗
竿也蓋古人以金錯器皆謂之金錯
清秋張九齡白羽扇賦縱秋氣之移奪終感恩于篋中此詩落句亦九齡之意而云不堪代白羽其
託喻深
厚可觀

桃竹杖引贈章留後

江心一作蟠石生桃竹蒼波噴浸尺度足斬根削皮如
紫玉江妃水仙惜不得梓種使君一作開一束滿堂賓
客皆歎息憐我老病贈兩莖出入爪甲鏗有聲老夫
復欲東南征乘濤鼓柁一作白帝城路幽必為鬼神奪
拔一作劍或與蛟龍爭重為告曰杖兮杖兮爾之生也
甚正直慎勿見水踴躍學變化為龍使我不得爾之
扶持滅跡于君山湖上之青峰噫風塵瀕洞兮豺虎

咬人忽失雙杖兮吾將曷從

桃竹

蜀都賦靈壽桃枝注曰桃枝竹屬也出蟄江縣可以為杖元和郡國志合州銅梁山出桃枝竹東坡跋桃枝杖引後桃竹葉如樓身如竹密節而實中犀理瘦骨蓋天成拄杖也嶺外人多種此而不知其為桃竹流傳四方視其端有眼者蓋自東坡出也又書柳子厚詩云盛時一失貴反賤桃筴蔡扇安可常偶關方言筴末魏之間謂之筴乃悟桃筴以桃竹為筴也梁簡文答南平王餉舞筴書云五離九折出桃枝之翠筴乃謂桃枝竹筴也郭璞有桃杖贊
江妃水仙江賦馮□倚浪以傲睨江妃含頰而綿眇王逸楚詞
注馮□
桃竹出巴渝間于美有桃竹歌
水仙人

寄題江外草堂梓州作寄成都故居

我生性放誕難欲逃自然嗜酒愛風竹上居必一作
林泉遭亂到蜀江卧病遣一作所便誅茅初一畝廣地
方一作連延經營上元始斷手寶應年敢謀土木麗自
覺面勢堅一作臺亭一作隨高下敞豁當清川雖一作有會

心侶數能同釣船干戈未偃息安得酣歌眠蛟龍無
定窟黃鵠摩蒼天古來達士志一作賢寧受外物牽顧
惟魯鈍姿豈識悔吝先偶携老妻去慘澹凌風烟事
跡無固必幽貞媿雙全尚念四小松蔓草易一作已拘纏
霜骨不甚長永為鄰里憐

草堂

舊書甫於成都浣花里種竹植樹結廬枕江縱酒嘯咏舊注公從同谷入蜀卜居成都成都亂遂走梓州今于梓州懷思草堂作是詩寄題公以乾元元年冬末至成都明年上元元年十集草堂又二年寶應元年草堂成此詩當是廣德元年作

韋諷錄事宅觀曹將軍畫馬圖

國初已來畫鞍馬神妙獨數江都王將軍得名三一作四
十載人間又見真乘黃曾貌先帝照夜白龍池十日
飛霹靂內府殷紅馬腦盃一作盤婕妤傳詔才人索盃賜

將軍拜舞歸輕紈細綺相追飛一作隨貴戚權門得筆跡

始覺屏障生光輝昔日太宗拳毛騮近時郭家師子

花今之新一作畫圖有二馬復令識者久歎嗟此皆騎戰

一敵萬縞素漠漠開風沙其餘七匹亦殊絕迴若寒

空動烟雪霜蹄蹴踏長楸間馬官廝養森成列可憐

九馬爭神駿顧視清高氣深穩借問苦心愛者誰後

有韋諷前支遁憶昔巡幸新豐宮翠華拂天來向東

騰驤磊落三萬匹皆與此圖筋骨同自從獻寶朝河

宗無復射蛟江水中君不見金粟堆前松柏裏龍媒

去盡烏呼風

曹霸

名畫記曹霸魏曹髦之後髦畫稱于魏代霸在開元中已得名天寶末每詔畫御馬及功臣官至左武衛將軍

江都王

名畫記江都王緒霍王元軌之子太宗皇帝猶子也多才藝善書畫鞍馬

名畫記江都王緒霍王元軌之子太宗皇帝猶子也多才藝善書畫鞍馬
真乘黃穆天子傳伯天皆致河典乃乘乘黃之乘

與當時人絕跡其徑度似不可得而尋也若其以形似求者亦焉也不過
照夜白明皇雜錄上所乘馬有玉花驄照夜白開元記

形狀異也
龍池唐六典注曰興慶宮今上落龍宮宅也

圖紅衣美鬣奚官牽夜白
拳毛騮長安志太宗所乘六駿石像在陵

黃龍出其中景雲中其沼
子花杜陽雜編代宗自陝還命御馬九花蚪并紫玉鞭轡以賜郭子儀

被九花文號九花蚪亦有師子驄皆其類
新豐宮漢志新豐有驪山

天中記載杜詩注師子花即九花蚪也
獻寶穆天子傳曰天子西征至陽紆之山河伯焉爰之所都居

有宮在驪山下
射蛟前漢記元封五年武帝自滬陽浮江親射蛟江中獲之

立宗之
金粟堆舊書明皇親拜

升遐也
送韋諷上閬州錄事參軍

陵見金粟山岡有龍盤虎踞之勢復近先塋謂侍臣曰吾千秋後宜葬此地長安志明皇泰陵在蒲城東北三十里金粟山廣德元年三月葬泰陵

國步猶艱難兵革未衰息萬方哀一作嗷嗷十載**供**

軍食庶官務割剝不暇憂反側誅求何多門賢者貴

為德晉作賢俊**韋生富春秋洞澈有清識操持紀綱地**

喜見朱絲直當令晉作**豪奪吏自此無顏色必若救瘡**

夷先應去蚤賊揮淚臨大江高天意悽惻行行樹佳

政慰我深相憶

丹青引贈曹將軍霸

將軍魏武之子孫於今為庶為清門英雄割據雖一作皆

已矣文彩風流猶今尚存學書初學衛夫人但恨無

晉作未過王右軍丹青不知老將至富貴於我如浮雲開

元之中一作年常引見承恩數上南薰殿凌烟功臣少顏

色將軍下筆開生面良相頭上進賢冠猛將腰間大

羽箭褒公鄂公毛髮動英姿颯爽一作颯來一作來酣戰先帝

天一作御馬玉花驄盡工如山貌不同是日牽來赤墀下

迴一作迴立闥闔生長風詔謂將軍拂絹素意匠慘淡經

營中斯須九重真龍出一洗萬古凡馬空玉花却在

御榻上榻上庭前屹相向至尊含笑催賜金圍人太

僕皆惆悵弟子韓幹早入室亦能畫馬窮殊相一作狀幹

惟畫肉不畫骨忍使驂駟氣凋喪將軍畫一作畫善一作妙蓋

有神必一作偶逢佳一作上亦寫真即今飄泊干戈際屢貌尋

常行路人途窮一作入遭俗眼白世上未有如公貧英華作他富至

今我但看古來盛一作下終日坎壈纏其身

衛夫人法書要錄上欣傳古來能書人名蔡邕授于神人而傳之崔瑗

及張懷瓘書斷衛夫人八名鑠字茂猗廷尉展之女弟恒之從女汝陰太守

李矩之妻也隸書猶一音規矩鍾公右軍常師之永和五年卒子克為中書

郎亦工書書史會要工曠導從弟與衛世為南薰殿興慶宮之北有

中表故得蔡邕書法于衛夫人以授于義之南薰殿龍池前有瀛洲

門內有凌烟貞觀十一年詔閣立本畫凌烟閣功臣二十四圖上自為

南薰殿凌烟贊開府儀同三司鄂國公敬德第七故輔國大將軍楊州

都督凌烟國忠壯公志立之第十韋述兩京記太極宮中有凌烟閣在凝陰殿

內功臣閣在凌烟閣南南薰殿新書畫功臣皆北面設三閣內一層畫功高

宰輔外一層寫功高侯韓幹長安志載西陽雜俎云韓幹藍田人少時

王又外一層次第功臣韓幹常為賣酒家送酒王右丞兄弟未遇每費

酒漫遊幹嘗徵債于王家戲畫地為人馬右丞奇其意趣乃歲與錢二萬

令軟畫十餘年名畫記韓幹大梁人王右丞見其畫遂推獎之官至太府

馳非馬之狀也晉宋間顧陸之輩已稱改步周齊間董展之流亦云騏驎雖權奇滅沒乃屈產獨駒尚翹舉之姿乏安徐之體至於毛色率多騏驎雖駁無他奇異玄宗好大馬御廄至四十萬遂有沛艾大馬西域大宛歲有來獻骨力追風毛彩照地不可名狀號木槽馬聖人舒身安神如據床榻是知異于古馬也時主好藝韓君問生遂命悉圖其駿則有玉花驄照夜白等時岐薛中寧王廄中皆有善馬韓並圖之遂為古今獨步唐朝名畫錄韓幹京兆人也天寶中召入供奉上令師陳闕畫馬帝怪其不同因詰之奏云臣自有師陛下內廄之馬皆臣之師也上甚異之

閩州東樓筵奉送十一舅往青城縣得昏字

曾城有高樓一作會制古丹雘存迢迢百餘尺豁達開四門雖有一作會車馬客而無人世喧遊目俯大江列筵慰別魂是時秋冬交節往顏色昏天寒鳥獸休一作伏霜露在草根今我送舅氏萬感集清樽豈伊山川間迴首盜賊繁高賢意不暇王命久崩奔臨風欲慟哭聲出已復吞

嚴氏溪放歌行

天下甲一作兵馬未盡銷豈免溝壑常漂漂劔南歲月不可度邊頭公卿仍獨驕一作其驕費心姑息是一役肥肉大酒徒相要嗚呼古人已糞土獨覺志士甘漁樵况我飄轉無定所終日慼慼忍羈旅秋宿一作夜霜一作清溪素月高喜得與子長夜語東遊西還力實倦從此將身更何許知子松根長茯苓遲暮有意來同煮

嚴氏溪

顏魯公離堆記閩州之東百餘里有縣曰新政新政之南數千里屬東面有石堂焉故京兆鮮于君之所開鑿也堂有室堂北盤石之上有九曲流杯池堂南有茅齋其壁間有詩焉皆君舅著作郎嚴從君甥殿中侍御史嚴仇之等美君考槃之所作也按嚴氏溪疑卽此地史稱閩州嚴氏子疏言鮮于叔明少孤養子于外族冒嚴姓華陽國志閩中大姓有三狐五馬蒲趙公卿邊頭公卿未知所指舊注紛紛指郭英又嚴武皆說夢耳

公卿

邊頭公卿未知所指舊注紛紛指郭英又嚴武皆說夢耳

南池

崢嶸巴閬間所向盡山谷安知有蒼池萬頃浸坤軸
呀然闡城南枕一作控帶巴江腹芰荷入異縣稷稻共比
屋皇天不無意美利戒止足高田失西成此物頗豐
熟清源多衆魚遠出富喬木獨歎楓香林春時好顏
色南有漢王晉作祠於朝走巫祝歌舞散靈衣荒哉舊
風俗高堂一作皇亦明王魂魄猶正直不應空陂上縹緲
親酒食淫祀自古昔非唯一川瀆干戈浩茫茫地僻
傷極目平生江海二云興遭亂身局促駐馬問漁舟躊
躇慰羈束

南池

寰宇記郡國志云彭道將魚池在閬州西南四里述云川東南池東西二里南北約五里州城西南十里有郭池周約五十畝二池

與漢志注相符方輿勝覽南池在高祖廟旁東西四里南北八里漢志彭道將池在今南池也魚池在今郭池也然則此池本彭之所開

發閬中

前有毒蛇後猛虎溪行盡日無村塢江風蕭蕭雲拂
地山木慘慘天欲雨女病妻憂歸意速一作急秋花錦石
誰復一作能數別家三月一得書一作彙避地何時免愁苦

雲溪友議李太白為蜀道難乃為房杜危之也杜初作閬中行豺狼當路無地遊從太白初出蜀即以行路難示贊知章而野史記嚴武與房杜相忤皆在太白已卒之後知友議非焉論也
閬中
水經注漢水又東南過巴郡閬中縣巴西郡縣本漢舊縣閬中迂曲經其三面縣居其中蓋取為縣名閬地志閬江迂曲三面環之曰閬中

寄韓諫議

今我不樂思岳陽身欲奮飛病在床美人娟娟隔秋
水濯足洞庭望八荒鴻飛冥冥日月白青楓葉赤天

雨一作飛霜玉京羣帝集北斗或騎騏驎翳鳳皇芙蓉旌

旗一作旄烟霧樂影動倒景搖瀟湘星宮之君醉瓊漿羽

人稀少不在旁似聞昨者赤松子恐是漢代韓張良

昔隨劉氏定長安帷幄未收神慘傷國家成敗吾豈

敢色難腥腐餐風一作香周南留滯古所一作惜南極老

人應壽昌美人胡為隔秋水焉得置之貢玉堂

玉京

鄴侯外傳泌游衡山嵩山遇神仙祠相真人美門子安期先生降之且戒之曰太上有命以國祚中危朝廷多難宜以文武之道佐佑人主功及生靈然後可登真脫屣耳自是多絕粒咽氣修谷神黃老之要玉京羣帝以下蓋闕赤松子舊書泌好談神仙說道或云常帷幄外傳肅宗延于

赤松子

與赤松子王喬安期美門游處帷幄卧內寢則對榻出則聯鑣至保定郡泌先于本院寐肅宗來入院不令人驚之登床捧泌首置于膝久方覺泌乞游衡岳實以肅宗猜忌蜀郡功臣不獨以李輔國之故也張子房願棄人間事從赤松子遊以避呂氏之禍泌之心迹畧相似故以赤松張良為比又曰帷幄未收神慘傷也

老人隋志

老人一星在弧南一曰南極常以秋分之旦見于丙春分之夕没于丁見則治平主壽昌黃帝占老人星一名壽星色黃明大則主壽昌天下多賢士

箋曰程嘉燧曰此詩蓋為李泌而作余考之是也按史及家傳泌從肅宗于靈武既立大功而伴臣李輔國害其能因表乞遊衡岳優詔許之山居累年代宗即位累有頒賜號天柱峯中岳先生無幾徵入翰林公此詩蓋當鄴侯隱衡山之時勸勉韓諫議欲其貢置之玉堂也安劉帷幄在肅宗之代舍泌其誰韓諫議舊本名注余考韓休之子法上元中為諫議大夫有學尚風韻高雅當即其人注字蓋傳寫之誤胡三省曰鄴侯家傳代宗纔立即召泌也須經幸陝泌豈得全無一言召泌亦在幸陝之後李繁誤記耳此詩作于鄴侯未應召之日當亦是幸陝前後也

憶昔二首

憶昔先皇巡朔方千乘萬騎入咸陽陰山驕子汗血

馬長驅東□□走藏鄴城反覆不足怪關中小兒壞

紀綱張后不樂上為忙至今今上猶撥亂勞身焦思

補四方我昔近侍叨奉引出兵一作整肅不可當一作為

留猛士守未央致使岐雍防西羌□□直來坐御床

百官跣足隨天王願見北地傅介子老儒不用尚書郎

東口回紇助兵討賊收復兩京安慶鄴城史思明既降復叛救慶關

中小兒舊書李輔國開廐馬家小兒少為鬪貌陋粗知書計為僕事高力士郭湜高力士傳輔國趨馳未品小了織人榮感兩宮摧傷

萬姓因而恣行張后舊書后寵遇專房與李輔國持權禁中干預政事

成福不懼典刑張后請過當帝頗不悅無知之何唐國史補肅宗五月五日抱小公主對山人李唐于便殿顧唐曰念之勿怪唐曰

太上皇亦應思見陛下肅宗涕泣是時張氏已盛不由已矣猛士東

曰為留猛士守未央謂奪郭子儀兵柄留宿衛也代宗即位子儀自河南入朝程元振數譖之子儀請解副元帥節度使留京師廣德元年十月吐蕃入寇上出幸陝州子儀收

復京師十二月駕還長安復京師十一月駕還長安

已身履其難少屬亂離長于軍旅即位以來勞心焦思禍猶未艾亦可以少悟矣乃復信任程元振解子儀兵柄以召口口之禍此不亦

童昏之尤乎公不敢斥言而以憶昔為詞其旨意婉可矣

憶昔開元全盛日小邑猶藏萬家室不水流脂粟米

白公私倉廩俱豐一作富實九州道路無豺虎一作遠行

不勞吉日出齊統魯縞車班班男耕女桑不相失宮

中聖人奏雲門天下朋友皆膠漆百餘年間未災變

叔孫禮樂蕭何律豈聞一絹直萬錢有田種穀今流

血洛陽宮殿燒焚盡宗廟新除狐兔穴傷心不忍問

耆舊復恐初從亂離說小臣魯鈍無所能朝廷記識

蒙祿秩周宣中興望我皇洒血一作江漢身一作衰疾

明皇紀開元二十五年天下斷死刑五十八幾致刑措烏巢寺之獄上特推功元輔封李林甫為晉國公牛仙客為蘭國公柳芳唐曆開元二十八年天下雄富京師米價斛不盈二百絹亦如之東由汴宋西歷岐鳳夾路列店陳酒饌待客人萬里不待寸刃

冬狩行時梓州刺史章彝兼侍御史留後東川

君不見東川節度兵馬雄校獵亦似觀成功夜發猛

士三千人清晨合圍步驟同禽獸已斃十七八殺聲
落日迴蒼穹幕前生致九青兕駢駝轟崖垂玄熊東
西南北百里間髣髴蹴踏寒山空有鳥名鸚鵡力不
能高飛逐走蓬肉味不足登鼎俎何為見羈虞羅中
春蒐冬狩侯一作得同使君五馬一馬驄况今攝行大
將權號令頗有前賢風飄然時危一老翁十年厭見
旌旗紅喜君士卒甚整肅為我迴轡擒西戎草中狐
兔盡何益天子不在咸陽宮朝廷雖無幽王禍得不
哀痛塵再蒙嗚呼得不哀痛塵再蒙

舊書嚴武傳上皇詔以劍兩川合為一道是時已廢東川節度使故章以
刺史領留後事詩云東川節度則循其舊稱也時代宗幸陝詔徵天下兵
無一人應召者
故公感激言之

自平

自平宮中呂太一

一作中宮
一作中官

收珠南海千餘日近供生犀

翡翠稀復恐征戎

一作

干戈密蠻溪豪族小一作動搖世

封刺史非時一作

常

朝蓬萊殿前

一作

諸主將才如伏波不

得驕

呂太一

一

舊書廣德元年宦官市舶使呂太一逐廣南節度使張休縱下
大掠廣州韋倫傳代宗即位中官呂太一十嶺南矯詔募兵為

亂通鑑張休棄城走端州太一縱兵焚掠官軍討平之黃鶴曰考舊史當
作中官呂太一師古注云拾遺有呂寧為太一宣使唐未有此官號太一

即人名也亦初不云呂寧按鶴注良是所
謂拾遺者即師古輩妄撰如偽蘇注之類

刺史舊注太宗時溪洞蠻
來歸順者皆授以刺史

不以時朝比于內諸侯姑務羈縻而已
公兩川說八州素歸心于其世襲刺史

箋曰此詩言唐盛時處置蠻蠻之法蠻溪豪族小動搖言其小小蠢動朝
廷置之不問也世封刺史非時朝不責以時朝之禮也如此則蠻蠻率俾

雖有伏波之將不得生事于外也蓬
萊殿前諸主將指中官掌禁軍者而言

釋悶

四海十年不解兵一作羊也復臨咸京失道非關出
襄野揚鞭忽是過一作湖城豺狼塞路人斷絕烽火照
夜屍縱橫天子亦應厭奔走羣公固合思昇平但恐
誅求不改轍聞道嬖孽能一作今全生江邊老翁錯料事
眼暗不見風塵清

楊鞭

世說王人將軍領軍姑熟晉明帝著戎服騎巴寶馬齎一金馬鞭陰察軍形勢按晉書敦屯兵于湖陰故曰湖城吳若本注曰晉王敦舉兵內向元帝微行至于湖陰察敦營軍事自唐以來皆破句讀故溫庭筠樂府有湖陰曲金陵地名有湖陰張文潛云微行至于湖句斷

嬖孽

謂代宗不能誅程元振也

贈別賀蘭鈺

黃雀飽野粟羣飛動荆榛今君抱何恨寂寞向時人

老驥倦驤首蒼

一作

鷹愁易馴高賢世未識固合嬰饑

貧國步初返正乾坤尚風塵悲歌鬢髮白遠赴湘吳
春我戀岷下芋君思千里蓴生離與死別自古鼻酸
辛

國步

謂代宗幸陝初還也芋水經注江都縣瀆文井江江上有常氏堤跨四十里即芋也所謂下有蹲鴟至老不饑卓氏之所以樂遠徙也

別唐十五誠因寄禮部賈侍郎

九載一相逢百年能幾何復為萬里別送子山之阿
白鶴久同林潛魚本同河未知棲集期衰老強高歌
歌罷兩悽惻六龍忽蹉跎相視髮皓白况難駐羲和
星墜燕地漢將仍橫戈蕭條四海內人少豺虎多

少人慎莫投多虎信所過飢有易子食獸猶畏虞羅
子負經濟才天門鬱嗟峨飄飄適東周來徃若亦崩
波南宮吾故人白馬金盤隨雄筆映千古見賢心靡
非一作他念子善師事歲寒守舊柯為吾謝賈公病肺卧
江沱

賈侍郎 按賈至傳廣德二年轉禮部侍郎 星墜燕地 廣德二年史朝義繼死傳首京師

閬山歌

閬州城東靈山 一作雪 山白閬州城北玉臺 一作壺 碧松浮欲盡
不盡雲江動將崩未崩石那知根無鬼神會已覺氣
與嵩華敵中原格鬪且未歸應結茅齋看青壁 一作應著

茅齋向青壁

靈山

寰宇記仙穴山在閬中縣東北十里輿地圖云靈山峰多禳樹昔蜀王鼂靈帝登此因名靈山山東南隅有玉女禱練石山頂有池常清有洞穴懸絕微有一小徑通 玉臺 輿地紀勝玉臺觀在城北七里唐滕王嘗遊之有滕王亭基

閬水歌

嘉陵江色 一作山 何所似石黛碧玉相因依正憐日破浪
花 二云閬山 出更復春從沙際歸巴童蕩槳欹側過水雞銜
魚來去飛閬中勝事可腸斷閬州城南天下稀

嘉陵

水經注漢水又南逕閬中縣東閬水出閬陽縣而東逕其縣南又東注漢水寰宇記嘉陵水又名西漢水又各閬中水周地圖云水源出秦州嘉陵因名嘉陵經閬中即閬中水亦曰閬江又曰渝水 閬中 閬中山其山四合于郡故曰閬中名山志云閬中山多仙聖游集焉方輿勝覽亦名錦屏山在城南三里馮忠恕記云閬之為郡當梁洋梓益之衝有五城十二樓之勝概

三絕句

前 一作去 年渝州殺刺史今年開州殺刺史羣盜相隨劇

虎狼食人更肯留妻子

渝州殺刺史鮑欽止謂段子璋反梓州襲綿陷劔子渝無與也師古云吳璘殺渝州刺史劉平杜鴻漸討平之翟封殺開州刺史蕭崇之楊子琳討平之黃鶴云事在大曆元年與三年考杜鴻漸傳無討平吳璘事大曆三年楊子琳攻成都為崔寧妾任氏所敗何從討平開州天寶亂後蜀中山賊塞路渝開之亂史不及書而杜詩載之師古妄人因杜詩而曲為之說并吳璘等姓名皆師古偽撰以欺人也注杜者之可恨如此

二十一家同入蜀唯殘一人出駱谷自說二女齧臂時迴頭却向秦雲哭

駱谷

寰宇記駱谷道漢魏舊道也南通蜀漢曹爽伐蜀入駱谷三百餘里不得前牛馬驢騾以轉運死畧盡姜維出駱谷軍于長城即此谷道也此道廢塞武德七年復開東北自郿縣界西南經整屋縣又西南入駱谷出駱谷入洋州與勢縣界

殿前兵馬雖驍雄縱暴畧與羌渾同聞道殺人漢水上婦女多在官軍中

草堂

昔我去草堂蠻□塞成都今我歸草堂成一作都適無

虞請陳初亂時反覆乃須臾一作斯須大將赴朝廷羣小起

異圖中宵斬白馬盟歆氣已麤西取邛南兵北斷劔

閣隅布衣數十人亦擁專城居其勢不兩大始聞蕃

漢殊西卒却倒戈賊臣互相誅焉知肘腋禍自及梟

鏡徒義士皆痛憤紀綱亂相踰一國實三公萬人欲

為魚唱和作威福孰肯一作能辨無辜眼前列柵械背後

吹笙竽談笑行殺戮濺一作流血滿長衢到今用鉞地風

雨聞號呼鬼一作人妾與鬼馬色悲充爾娛國家法令在

此又足驚吁賤子且奔走三年望東吳弧矢暗江海

難為遊五湖不忍竟舍此復來薙榛蕪入門四松在

步屣一作萬竹疎舊犬喜我歸低徊入衣舊作裾鄰舍喜
我歸沽酒携一云提大官喜一作我來遣騎問所須
城郭喜一作我來賓客隘一作村墟天下尚未寧健兒勝
腐儒飄飄一作風塵際何地置一作老夫於時見一作疣贅
骨髓幸未枯飲啄媿殘生食薇不敢餘

寶應元年四月嚴武入朝七月劍南西川節度使徐知道反八月伏誅公携家避亂往梓州廣德二年武鎮劍南公復還成都草堂此詩云大將赴朝廷羣小起異圖謂武入朝而知道反也北斷劍閣謂知道以兵守要害武不得出也賊臣互相誅謂知道為其下李忠厚所殺也王洙梁權道輩以為永泰元年避崔旰之亂而吳若木于布衣專城之下注云即楊子琳和貞節之徒是時嚴武已沒公下峽適楚何常復歸草堂哉注家唯黃鶴能辨之
鬼妾趙云鬼妾鬼馬如何似以亡者之妻為鬼妾也

四松

四松初移時大抵三尺強別來忽三載一作歲離立如人

長會看根不拔莫計枝凋傷幽色幸一作會秀發疎柯亦
昂藏一作所插小藩籬本亦有隄防終然振一作撥損得
恹一作千葉黃敢為故林主黎庶猶未康避賊今始歸
春草滿空堂覽物歎衰謝及茲慰淒涼清風為我起
洒面若微霜足以送老姿一作是為聊待一作偃蓋張我生
無根帶一作配爾一作亦茫茫有情且賦詩事迹可兩一作
忘勿矜千載後慘澹蟠穹蒼

水檻

蒼江多風颺雲雨晝夜飛茅軒駕巨浪焉得不低垂
遊子久在外門戶無人持高岸尚如一作谷何傷浮柱
欹扶顛有勸誠恐貽識者嗤既殊大厦傾可以一木

支臨川視萬里何必欄檻爲人生感故物慷慨有餘悲

浮柱

西京賦跨遊極于浮柱注三輔名梁爲極作遊梁置浮柱上

破舩

平生江海心宿昔具扁舟豈惟青溪上日傍柴門遊
蒼皇避亂兵緬邈懷舊丘鄰人亦已非野竹獨脩脩
舩舩不重扣埋沒已經秋仰看西飛翼下愧東逝流
故者或可掘新者亦易求所悲數奔竄白屋難久留

營屋

我有陰江竹能令朱夏寒陰通積水內高入浮雲端
甚一作疑鬼物憑不顧剪伐殘東偏若面勢戶牖永可

安愛惜已六載茲晨去千竿蕭蕭見白日洶洶開奔
湍度堂匪華麗養拙異考繁草茅雖雜葺衰疾方少
寬洗然順所適此足代加餐寂無斤斧響庶遂憇息
歡

若面勢

鮮于注若頰也

除草

吳若本注去菘草也菘音潛山非

草有害于人曾何生阻修其毒甚蜂蠆其多彌道周
清晨步前林江色未散曩芒刺在我眼焉能待高秋
霜露一作凝一作衣一作蕙葉亦難留荷鋤先童稚日入仍
討求轉致水中央豈無雙釣舟頑根易滋蔓敢使依
舊丘自茲一作移一作藩籬曠更覺松竹幽芟一作不可闕疾惡

信如讎

釣舟

晏曰周禮雍氏掌殺草若欲其化則以水
火變之以釣舟載而致之水此水化也

揚旗

二年夏六月成都尹嚴公置
酒公堂觀騎士試新旗幟

江一作風雨颯長夏府中有餘清我公會賓客肅肅有異

聲初筵闕軍裝羅列照廣庭庭空六一作四馬入駮駮揚

旗一作旆旌迴迴偃飛蓋熠熠迸流星來纏一作衝風颺急去

擘山岳傾材歸俯身盡妙取畧地平虹霓就掌握舒

卷隨人輕三州陷□□但見西嶺青公來練猛士欲

奪天邊城此堂不易升庸蜀日已寧吾徒且加餐休

適蠻與荆

三州 柳芳唐曆廣德元年根連絕劔南節
度高適不能軍吐蕃陷松維保三州

太子張舍人遺織成褥段

客從西北來遺我翠一作細織成開緘風濤湧中有掉尾

鯨透迤羅水族瑣細不足名客云充君褥承君終宴

榮空堂魍魅一作細走高枕形神清領客珍重意願我非

公卿留之懼不祥施之混柴荆服飾定尊卑大哉萬

古程今我一賤老短一作短褐更無營煌煌珠宮物寢處

禍所嬰一作紫歎息當路子干戈尚縱橫掌握有權柄衣

馬自一作肥輕李鼎死岐陽實以驕貴盈來瑱賜自盡

氣豪直一作與阻兵皆聞黃金多坐見悔吝生奈何出舍

翁受此厚貺情錦鯨卷還客始覺心和平振我麤席

塵媿客茹

一作藜羹 皆聞一作苦聞

七集卷五

二十一

織成

廣雅天竺出細織成宋書禮志諸織成衣帽錦帳純金銀器雲母從廣一寸以上者皆為禁物

李鼎上元元年以羽林大

將軍李鼎為鳳翔尹興鳳隴等州節度使二年二月党項平羌寇竇維入散關陷鳳州鳳翔李鼎避擊之六月以鼎為鄠州刺史隴右節度

瑱

來瑱為襄陽節度使代宗潛令裴茂圖之瑱擒茂于申江入朝謝罪廣德元年正月貶播州尉翌日賜死于鄂縣

箋曰史稱嚴武累年在蜀肆志逞欲恣行猛政窮極奢靡賞賜無度公在武幕下此詩特借以諷諭朋友責善之道也不然辭一織成之遺而侈談殺身自盡之禍不疾而呻豈詩人之意乎草堂詩箋次于廣德二年在嚴鄭公幕中之作當從之

莫相疑行

男兒生無所成頭皓白樊作男兒一生無成頭皓白牙齒欲落真可惜

憶獻三賦蓬萊宮自怪一日聲輝一作燿荆作烜赫集賢學士

如堵牆觀我落筆中書堂在時文彩動人主文粹今此日

饑寒趨路旁晚將末契託年少文粹晚將末節契年少當面輸一作論心

背面笑寄謝悠悠世上兒一作莫爭好惡莫相疑

末契

陸機歎逝賦託末契于後生余將老而為客

別蔡十四著作

賈生慟哭後寥落無其人安知蔡夫子高義邁等倫

獻書謁皇帝志已清風塵流涕灑丹極萬乘為酸辛

天地則創痍朝廷當一作多正臣異才復間出周道日惟

新使蜀見知已別顏始一伸主人薨城府扶櫬歸咸

秦巴道此相逢會我病江濱憶念鳳翔都聚散俄十

春我衰不足道但願子意音陳稱令社稷安自契魚

水親我雖消渴甚敢忘帝力勤尚思未朽骨復覩耕

桑民積水駕三峽浮龍倚長津輪揚舲洪濤間仗子

濟物身鞍馬下秦塞王城通北辰玄甲聚不散兵久

食恐貧窮谷無粟帛使者來相因若憑二云南轅吏陳作使

書札到天垠

主人

趙云指郭英又鶴云指嚴武為是蓋英又單騎奔簡州為晉州刺史韓澄所殺不當云薨城府也

杜工部集卷之五

錢曾遵王氏校

